

熱

河

志

略

嘗讀易象曰地中有水師師衆也貞正也地上有水比比輔也下順從也澤上有地臨臨者大也澤上于地萃萃者聚也我

朝

列聖創垂鴻業幾二百年

陪都則有班達神皋口北則有木蘭靈固簡師徒行
秋獨師之以衆正以律出也合藩衛頒慶賞比之
用三驅親諸侯也習勞苦嫻技能臨之教无窮保
无疆也齊步武嚴法令萃之除戎器戒不虞也一舉

而脩易道四焉邁岐陽之獵軼吉之巡猗歟偉
哉職斯土者近依畿輔分治塞垣其所以撫衆安
民明刑弼教

聖恩倚畀厥任亦綦重矣璩不敏檢志書所載廷議所
陳撮其大綱約為二卷庶便稽覽勿致愆忘於茲
編是賴焉

嘉慶二十年歲次乙亥正月上元太菴和璩謹識

熱河志畧目錄

星野

疆域考證附

山川

行宮

寺廟

守衛

設官

興學

統制事宜附

駐防

營汛

驛站

圍場

藩衛

星野

承德府全境居赤道北四十度至四十二度強在地圖東面中線偏東四十三度至四十七度強京師偏東一度至四度強蓋地居天中地體渾圓與天度相應中國當赤道之北北極常現南極常隱南行二百里則北極低一度北行二百里則北極高一度東西亦然

按古分野之法限於中土則大地難周統全局以
規大勢當以周天三百六十度配大地七萬二千
里每二百里分應一度盡地面一周而二十八宿
之分野始盡恒星雖歲差五十秒然二十八宿始
初之體原有定位角亢氐房心尾箕為蒼龍居東
斗牛女虛危室壁為元武居北奎婁胃昂畢參觜
為白虎居西井鬼柳星張翼轸為朱雀居南是也
宿有東西南北地亦有東西南北以二十八宿東
西南北之本位分配大地東西南北之定位按諸

古志十二州分星之說惟燕為尾箕之野方位適相符
合蓋以中土地偏東北隅京師又居中土之東北
於八卦屬艮於十干屬癸甲之交於十二支屬
寅於十二次屬析木於星屬尾箕尾箕二宿之
本位亦正在東北隅也以尾箕燕分為準而後左
右推之盡地面之一周皆與各宿本位相合是為
亘古不易之星分而十二次因之至恒星東移歲

差五十秒亦隨大地為轉移某年屬某宿某
度若干分秒耳

疆域

承德府屬全境當古北口潘家口喜峯口外東西相距一千二百里南北境廣袤不一以平泉州赤峯縣統計八百十里自府治東至奉天錦州府錦縣邊門界七百五十里西至口北道屬獨石口廳四百五十里南至順天府遵化州界一百五十里北至圍場界二百八十里東南至永平府界五百八十里西南至順天府密雲縣北之古北口一百

九十里東北至錦州府廣寧縣邊門界一千十五

里西至口北道屬多倫諾爾廳界五百六十里

統州一曰平泉八溝廳縣五曰灤平喀喇河屯曰豐寧四旗曰

赤峯烏蘭哈達曰建昌塔子溝曰朝陽三座塔規其形勢

府境居中灤平豐寧拱其右平泉赤峯朝陽建昌環其左水源山脉來自西北由圍場入境東趨

南下分道縈絡其詳見山川門

承德府本境

承德府東南東北俱界平泉州西南界灤平縣西
北豐寧縣南界遵化州及永平府遷安縣邊外地
北界豐寧縣熱河上承固都爾呼河茅溝河賽音河
三水合而南流入灤河

灤平縣

舊喀喇河屯廳境在承德府西南隅東界府北界
豐寧縣南界古北口西界獨石口承德府屬惟府
境與灤平不涉蒙古旗地

舊四旗廳境在承德府西北隅東界府南界灤平縣
西界獨石口北界圍場察哈爾鑲白旗舊志土城子
今為縣治當全境南於東西為中正藍旗治黃
姑屯即波羅河屯居東鑲黃旗治大閘兒居西正白旗
治郭家屯居北四旗壤界錯出

平泉州

舊八溝廳境西界承德府東界建昌縣東北界朝陽
縣北境為喀喇沁右翼地喀喇沁扎薩克公旗

地在右翼中州治瀑河之源環焉南境接李府
遷安縣邊外又南與喜峯口接

赤峯縣

舊烏蘭哈達廳境東界建昌縣南界平泉州西界
圍場北界烏珠穆秦克什克騰諸境旗地全縣境
為翁牛特右翼地其北境之翁牛特左翼旗巴林
旗務均隸縣轄赤峯縣因紅山得名自縣治至翁
牛特右翼駐處一百二十里北至左翼駐處一百

八十里至巴林旗北境五百里

建昌縣

舊塔子溝廳境在承德府東南隅東界朝陽縣南
界臨榆遼安縣界西界平泉州北界烏珠穆秦旗
地南境為喀喇沁左翼旗地北境為敖漢旗地中
界平泉州地南北若相望然縣治當喀喇沁左翼
中偏北境

朝陽縣

舊三座塔境在承德府東北隅東接九關台門界
錦州府義州諸境西界平泉州南界建昌縣北界
科爾沁縣屬東北境為土默特左翼地西北境為
土默特右翼地又北境為奈曼旗地又東北境兼
轄喀爾喀庫倫兩旗地

考證 建置沿革

熱河全境自慕容燕都龍城始有建置可言越晉
以前上溯周秦雖鄰界北邊總未入內地疆域為
州郡所不及若太平寰宇記開元十道略舜築柳
城既荒遠不可考遼史地理志以中京大定府為
營州不知舜分青州為營州所得者遼東之地不
得逾遼水以西也蓋今承德府境於禹貢為冀州
邊外而虞及殷周則幽州之邊外也秦漢而還在

漁陽右北平遼西三郡邊外為諸部分據北魏雖
設安營二州亦與奚契丹雜居遼金興元各建郡
縣而宅中未久故址旋荒明棄大寧視為外域我
國家撫臨函夏中外一家設廳分治以來久成都邑
近復改設府州縣規制不殊內地矣

承德府

府本境在周秦為東胡地漢為匈奴左地武帝時
為塞地後入烏桓後漢為烏桓地後屬鮮卑中部

魏為鮮卑軻比能地後與素利彌加厥機諸部雜
居晉初為鮮卑段氏地北境為宇文氏地後并入
慕容氏為前燕地苻堅時為秦地屬幽州慕容垂
復國後為後燕地屬幽州馮跋時為北燕地北魏
為安州廣陽郡燕樂縣地北境為庫莫奚地後并
入庫莫奚隋唐去庫莫
二字但名奚遼為中京道澤州灤河縣
及北安州地金為北京路興州興化縣宜興縣地
大定府神山縣地元為上路興州興安縣宜興縣

地大寧路惠州地明初為興州衛後廢入諾音衛
國朝初內屬雍正元年設熱河廳十一年改設承德
州乾隆七年罷州仍設熱河廳四十三年改設今
府此承德府之建置沿革也

灤平縣

北魏以前與府境同縣西境為禦夷鎮地後并入
庫莫奚北齊周隋唐因之金為興化縣宜興縣元
為興安宜興兩縣地明初為興安衛後廢入諾音

衛

國朝初內附乾隆七年設喀喇河屯廳四十三年改設今縣此灤平縣之建置沿革也

豐寧縣

北魏以前與灤平縣同北魏爲燕樂縣方城縣地西南境爲禦夷鎮地後并入庫莫奚周隋唐因之遼爲利民縣金爲宜興縣地元兼得開平縣明初爲開平衛地後俱廢入諾音衛

國朝初內屬乾隆元年設四旗四十三年改設今縣
此豐寧縣之建置沿革也

平泉州

周初為山戎地自秦至北魏以前與府境同北魏
為營州建德郡陽武縣冀陽郡平剛縣隋為遼西
郡地西境遼為中京大定府大定神山等十二州
縣地金為北京大定府大定金源等五縣地元為
大寧路大定縣金源縣惠州地明初為大寧衛新

城衛富峪衛會州衛後俱廢入諾音衛

國朝初內屬雍正七年設八溝廳乾隆四十三年改設今州北平泉州之建置沿革也

赤峯縣

周初爲山戎地自秦至北齊周與平泉州同隋唐時爲契丹地遼爲中京道上京道等屬十二州縣金爲大定府三韓等七州縣元爲大寧路明初爲大寧衛地後廢入諾音衛

國朝初內屬雍正七年為八溝廳北境乾隆三十九年析置烏蘭哈達廳四十三年改設今縣此赤峯之建置沿革也

建昌縣

周初為山戎地自秦至隋與赤峯縣同唐為營州柳城郡柳城縣地與契丹雜居遼為中京道屬十二州縣地金為北京路利州等七州縣地元為大寧路屬六州縣地明初為營州衛地廢入泰寧衛

國朝初內屬乾隆三年設塔子溝廳四十三年改設
今縣此建昌縣之建置沿革也

朝陽縣

周初為山戎地自秦至隋以前與建昌縣同隋為
建德郡置總管府唐為柳城郡與契丹離處遼為
中京道屬地金為北京路屬地元為大寧路屬地
明初為營州衛地後廢入大寧衛

國朝初內屬乾隆三年設塔子溝廳為其東境三十

九年析置三座塔廳四十二年改設今縣此朝陽
縣之建置沿革也

山川

承德府全境北界興安大嶺為陰山之正脉左右
層巒疊嶂皆其分支形勢之雄甲於紫塞若龍山

為慕容氏國

在三座塔東又名鳳凰山

七金馬孟諸山為遼金

名勝

七金山在平泉州境馬孟山在大寧縣西

避暑山莊巖巒獻秀鍾峯東峙則鄴道元水經注之

石挺也廣仁西控則王曾行程錄之墨斗嶺也

磬鍾峯

承德府治東北十六里下銳上豐停倚天

山莊三十六景中有鑄峯落照峯側石幢一錯床涸

帟②四字

床古字見許慎說文②為武壘所造日字見郭忠恕佩觿餘字無考

羅漢峯

一名彌勒峯府治東南九里岡巒曼衍望之似人體形趺坐坦腹其西地勢寬廣土人名紅石巒溝

僧冠峯

府治南稍東二十六里舊名僧冠帽峯形如毘盧覆頂土人以雲氣聚散占晴雨之驗輒應

廣仁嶺

府治西十一里嶺之西南即灤平縣境發帑開治
道路平坦凡

山莊西路諸山皆與廣仁嶺綿亘相接

獅子嶺

行宮北五里府治西北九里嶺勢奇偉如狻猊頤聽
帖依蓮座故名嶺下獅子園嶺之東地勢閑敞名

獅子溝凡普陀宗乘廟諸巨剎多建於此

大黑山

府治北一百八十餘里當張三營西北高二千餘丈週百餘里複嶂懸崖烟嵐蒸鬱遙望黝然伊遜河自北來流繞其足此山即古陰山分支也陰山自河套之西北蜿蜒東走經承德府全境之北其正幹為興安嶺是山在承德府北境形勢雄峻附

屬興安自是而北直接圍場諸山蓋陰山遠脉經行旁絡之處凡府屬迤北諸山視此

雙塔山

喀喇河屯灤平縣治北八里大小二峯矗立百餘丈如窳堵波高下相亞其一峯中開三孔表裏通明焉

三道梁 小黃土梁 鞍子嶺

俱在灤平縣治西南又大水峪口外白河之旁亦有鞍子嶺為灤平縣極西南境

常山峪

灤平縣治西南七十里嶺勢廻環如列屏嶂

行宮建於山麓正據其勝

青石梁

灤平縣治西南九十里與黃土岡形勢相連自兩
間房至常山峪羣峰綿亘青石最拔峭高出諸山
之上

察罕陀羅海山

平泉州屬喀喇沁右翼西一百餘里形勢高大北
接圍場諸山與默沁察罕陀羅海山東則錫伯河
出焉其北則圍場內之穆壘喀喇沁河出焉其西
則固都爾河發源於此即熱河之西源

默沁達巴罕

察罕陀羅海之南其西則茅溝河發源於此即熱
河之中源

霍爾霍克達巴罕

平泉州屬喀喇沁右翼南一百二十餘里有二洞
皆僧所居其東則霍爾霍克河出焉其西則賽音
河發源於此即熱河之東源

月華山

建昌縣治東南一百八十里有石竇東西相通高
一丈五尺廣倍之土人廣窟窿山山有林泉寺

鳳皇山

朝陽縣屬土默特右翼東南二十里即古龍山也

慕容皝以柳城之北龍山之西福地也使築龍城
是龍山在三座塔東矣

卓昌吉爾山

朝陽縣屬土默特右翼西南二百餘里山南有穆
壘河流貫其中夾山麓有泉注之下流為小凌河

明安喀喇山

朝陽縣屬土默特右翼西南二百里山色深黝千
峯競秀洞旁三泉交流為小凌河之源

喀喇陀羅海山

漢名黑頂山在朝陽縣屬土默特在左翼西北一
百里鷄鷹河發源於此

熱河

熱河有三源一出圍場東南界察罕陀羅海之西
固都古爾卡倫之南在熱河

行宮東北二百餘里為西源合平頂山南諸小水南
流逕豐寧縣屬察哈爾正藍旗境屈曲南流逕固
都爾呼達巴罕名固都爾河又西南流至中關之
東一出平泉州八溝屬喀喇沁右翼西境默沁達巴
罕西之玳瑁溝在喀喇沁右翼西一百餘里當平

泉州西境為中源初名默沁河西南流逕承德府
東北之茅溝汎境為茅溝河至中關之東與固都
爾河合而南流一出喀喇沁右翼西南境霍卜
克達巴罕西之三道溝在喀喇沁右翼西南一百
二十餘里亦當平泉州治西北境為東源名賽音
河西南流入承德府東北境有溫泉注之又西與
固都爾河會三源合而西南逕黃土坎及釣魚臺

之東又西南流環
避暑山莊之東

行宮內入有溫泉流出注之始名熱河南流折而東
復折而南至下營子入灤河即水經注武列水也
新河一名旱河

行宮之南境長六百九十餘丈廣七丈乾隆三十六
年所開以洩西南諸山夏秋漲水由南山下東歸
熱河是年由南山下寬開河道西自承德府衙門
前東至旗營長六百九十餘丈濶皆七丈深隨地

形高下自三尺八寸至一丈二尺有差

滦河

御製滦河濡水源考澄 乾隆己丑

濡水見史傳者凡五

說文出安東人漆涑者涿郡之濡也廣輿記出易州窮獨山一名聖

女水者易州也濡也並音儒左傳出高陽者河間之濡

也音而三水皆由天津入海此獨石口外之濡讀如誰

與漆音相近其水自由永平府之樂亭縣入海與畿內

三濡迥不同又水經注蒼梧之濡水出永豐縣濡山字

亦音儒名亦而惟滦河之濡水源遠流長雄於其四郡

適相同耳

道源水經注所云出禦夷鎮者也昨歲命方觀承考濡

濡源委亦既繪其梗槩條分縷析而為之說矣然以漢

文訓蒙古語未如同文韻統得字音之正而鄂博之類
穿鑿更甚因命嚮導大臣努三挈方觀承所遣同知黃
立隆者重尋其源以至其委於是二千餘里之滦河曲
折分合盡得其實因詳注其地名及諸水之匯流而廓
道元歐陽修等並元史河渠志所載相舛誤者都為四
條以考證焉

滦河出獨石口外東北一百餘里巴顏屯圖吉爾山

山為

興安正幹自張家口東至獨石口外為大山折而西北
通上都城入於圍場之海喇堪與興安大嶺相連屬出
泉處較興安大梁尤為時出山陽山陰樹木茂密與他
山異信為名山山陽為民人居址山陰皆察哈爾蒙古
游牧 四泉湧出名都爾本淖爾涓流曲折伏而復現西

北經訥克里和洛有小水自東注之又北經哈丹和碩

之西噶爾都思台之水自東注之又曲折西北流至茂

罕和碩

自都爾本淖至
此七十餘里

三道河自東來會之

其水一出
摩霍爾達

巴罕一出伊克達巴罕一出是庫爾蘇
達巴罕各相距十餘里三水匯為一河
河流始暢又西

北流復有二小水一自布爾噶蘇台一自克爾哈達先

後來注之八十里經察罕格爾涼亭鳥蘭河屯至上

都店入多倫又北流十餘里經淖海和碩折而東北二

百五十餘里經博洛河屯至庫爾圖巴爾噶遜河屯喀

喇鳥蘓自東注之又三十餘里至上都河屯上都即元開平府

水經其城南察罕淖爾自北注之又六十餘里經都什故名上都河

巴延珠爾克山至察罕鄂博東克伊綏河自東北來匯

之河出興安山梁之陽南流伊克霍爾昆巴罕霍爾昆

於上河水倍暢折而東南流十八里至磴口額爾德尼

布拉克自西注之

其水經多倫
、淖爾之北

又十二里至大河口圖

爾根伊札爾河自東北來匯之

其水亦出興安山梁之
陽遙迤西南流錫喇札

拜自此入之又西南流摩霍爾

又南流七里沙岱布拉克

克自西注之又折而西南流二里霍爾圖布拉克自東

注之又九里海拉蘇台河自西注之又一里蒐集布拉克

克自東注之又南流一里渾齊布拉克亦自東注之又

十里察罕郭勒自西注之又十一里什巴爾台河自東

北注之

其水出伊克空鄂洛鄂
博西為木蘭園場西界

又折而西復折而南入

里克籌布拉克自西注之又十七里經雁北灘

入四旗廳界

布爾噶蘓台哈丹霍碩河自西注之又十七里經半壁

山又南經大廟灣折而東復折而西南五十八里頭道

河自西注之又二里羅密塔子亦自西注之轉而東南

流三十二里經韭菜梁又九十五里經小遼東至瓜地

摩霍爾阿爾善所出之湯泉自南注之又二十七里經

西屯庫爾奇勒河

俗名小漆河

自北來注之

其水自興安山梁之陽三支分

引過托霍隆和洛合為一西南流會瑪尼岡卡倫哈郎
圭達巴罕珠爾噶台海拉蘓台諸水折而東南會霍來

郭勒哈爾渾諸水又噶拜卓索阿魯布拉克自
復先後來會之諸水合一河河水至此益大自此遂名

濛河又二十七里至郭家屯折而南流四十六里至大

對山又折而東復折而南屈曲行八十餘里至興隆莊

入喀喇南流五十九里經五道河折而西南流四十九
河屯界

里至張博灣興州河自西北來匯之其源出沙爾呼山
經西土城子東南

流出注於此折而東流七十餘里經喀喇河屯繞行宮東流

伊遜河自北來匯之其水發源圍場內西流經博洛河
屯與伊瑪圖河西南流曲折注此

東南流三十四里至石門入熱河又四十七里經臥鳳

嶺固都爾河自東北來匯之其源出固都爾呼達巴罕

音郭勒河合三源既匯沿避暑山莊東北其水會茅溝河又與賽

後即與湯泉合至是行宮內亦有溫泉流出匯之遂名

熱水至此益大折而南流四十三里白河自西注之此與

發源瑪尼圖達巴罕經密又三十三里老牛河自東北

雲縣會潮河之白河異注之又三十三里至滴水崖南二河自東注之又十里

注之又三十三里至滴水崖南二河自東注之又十里

柳河自西注之又六里車河自西注之又三十餘里至

門子哨入遷安縣界黃花川自西注之又三十二里清河自

東注之又九里豹河自東北注之折而西流二十里經

東注之又九里豹河自東北注之折而西流二十里經

灤河灘又南流折而東復折而西經楊枝峪又東南流
二十一里入潘家口折而東又折而西十里經走馬哨
又二十四里至澈河橋澈河自西注之又曲折東南流
七十餘里至白布店恒河自西北注之又折而東流十
餘里至煤峪口長河自東北注之又七十三里過平崖
子清河自東北注之此與黃花川南之清河異折而南流二十餘里
至峽口蛤蟆河自東注之又二十九里過遷安縣西經
黃臺山又二十三里折而東三里河自東注之其河與

合 又南流二十餘里經孤竹城入盧龍縣界又三十五里至

合河口青龍河自東北來匯之其源出特布克入桃林口復有一水自冷口來

會之經永平府城西河流至此勢益寬大又十一里繞過虎頭石入於海

雪峯寺又二十一里過武山西橫河自西注之又三里

至偏涼汀入灤州界其水益大又東南流五十六里過定流河入灤

亭縣界又三十六里至老河口灤河故道今涸又西南流二十里

至小河崖清河自西北注之此與黃花川南及平崖子之清河俱異又七

里至石家坨灤自此分支名高密河常涸大雨時仍分流達海折而西南

流五十餘里至新橋口入於海自河源至此約二千餘里

伊遜河

一作伊松河

又作衣素河宜孫河儀栗河方輿紀要作以遜川譯語對音互異今照本

音以伊遜為正

俗稱羊腸河源出圍場內伊遜色欽色欽

即源之謂也會諸小水屈曲南流出伊遜喀卜齊

爾柵逕石片子入承德府境南流逶張三營之西

又南流至頗賴村折而西南流入豐寧縣

即四屬旗廳

正藍旗境又西南繞波羅河屯之西逕正白旗境

會伊瑪圖河合而西南流又折而東南入滦平縣

即喀喇河屯境復屈曲南流至喀喇河屯之北入滦河
即古索頭水也

潮河

源出豐寧縣鑲黃旗大閣兒北七十里之城根營
西南山下在縣治土城子西北一百三十里屈曲
南流至大閣兒之東折而東南流復折而西南仍
折而南龍潭溝水自西來會之又南流至岡子上
共行縣境一百八十里入滦平縣之西北境迤邐

什哈汛之東又南至椴樹嶺折西東南流至巴克什營之西復折而西南流共行縣境二百八十里至古北口關西之潮河川入邊至密雲縣境會白河即古湫水也

白河

自獨石口外瑪尼圖發源

達巴罕山名

南流入獨石口

逕赤城堡東流仍出邊至判官渡入灤平縣西境東流四十里至湯河口湯河自北來會之折而東

流七十里至石塘口關入遼至密雲縣境又南會
潮河即古沽水也

老河

亦名上河蒙古名老哈穆楞源出平泉州

即八溝屬

喀喇沁右翼南一百九十里之永安山在州治西

北境會諸小水東北流自大寧故城之西南逕大

寧故城之東北又北流入赤峯縣

烏蘭哈達境逕翁

牛特左翼西境入建昌縣

塔子溝

屬教罕西北境會

西之水泉子在縣治西南境東流至縣南一出喀喇沁左翼西北之三官營在縣治北境東南流至縣治南二源合而東流至三台小營三源始會東北流入朝陽縣

塔三座

境六十里至土默特右翼境

之水頭城子又一百三十里迤朝陽縣南稍折而東南流又一百八十里至九關台門出朝陽縣境

入錦州府義州界亦名靈河即大凌河古所謂白

狼水是也

小凌河

蒙古名明安河源出縣屬土默特右翼西南二百
二十里之明安喀喇山在縣治東南境有三源匯
為一河初名穆壘河東北流為明安河迤土默特
右翼旗之南境至松嶺子門西五里入錦州府錦
縣境為錦水亦名小靈河古傳寫之訛即古所謂
參柳水也

鷄鷹河

英金河又東北流入朝陽縣塔三座屬奈曼北境至

喀爾喀左翼西北界出朝陽界共行五百餘里與
潢河會下流爲遼河即古託紇臣水亦名土護真
水也

潢河

亦名湟水蒙古名錫喇穆楞自克什克騰今赤峯縣即烏

蘭哈達外界東流入赤峯縣北巴林旗界入翁牛特左

翼北境在縣治北二百餘里又東南逕朝陽縣屬

喀爾喀左翼界與老河會為大遼水之西源其下
流至奉天府開原邊外會東來之赫爾蘇河入邊
為遼河即今之巨流河也

大凌河

蒙古名傲穆楞有三源一出建昌縣塔子溝屬喀喇

沁左翼南之土心塔在縣治東南二百二十里北
流逕威遜圖山東北流逕錫喇達哈圖山北逕喀
喇沁貝子旗又北至三台小營一出喀喇沁左翼

發源於喀喇陀羅海山漢名黑頂山在朝陽縣屬
土默特左翼西北一百里下游入養息牧蘓魯克
蒙古牧廠地由彰武台入邊至柳河溝南流入海

行宮

避暑山莊於康熙四十二年

聖祖仁皇帝肇建陰陽向背爽壇高明地居最勝其間靈

境天開氣象宏敞俯武列之水挹磬鍾之峯壘石

繚垣上加雉堞如

紫禁之制週十六里三分南為三門中曰麗正門東

曰德瀝門西曰碧峰門其東及東北西北門各一

東門外長堤蜿蜒北起獅子溝南盡沙堤皆建袤

十二里麓石七層廣約大許宮中左湖右山山勢
自北而西曰梨樹峪曰松林峪曰榛子峪曰西峪
回抱如環濕翠晴嵐朝夕異狀不可殫名湖水自
東北演迤而南流至萬樹園之陽淨練澄空沙堤
曲徑如意洲在焉其北為千林島凌空落影望不
可即瀑源來自西峪垂於湧翠崖之巔玉噴珠跳
晴雷夏雪滙注湖中湖岸曲榭飛輦長橋虹駕引
而東南至德滙門之左為出水牕以時蓄洩焉

澹泊敬誠 避暑山莊正殿凡七楹每

聖節臚歡遠入肆觀則

御茲殿

聖祖仁皇帝御題額

高宗純皇帝御製詩

處處瞻

奎藻殷殷仰

聖情標言淡以泊繼曰敬分誠明志由斯要持心在合井

居存守良幾煩擾去私營

易正義序不煩不擾淡怡不失

無欲函三契

有為得一貞

堯茨垂永煥

虞典溯惟精

清舒山館

水心榭東北山川明瑟林樾靜深以

此殿為最內曰承慶堂

戒得堂

清舒山館之東堂五楹南向

春好軒

萬樹園東南濱湖軒五楹

靜寄山房

環澄湖踞平阜邃宇穆然深靜門南

向勝曰月色江聲中曰靜寄山房

烟雨樓

如意洲北舊名青蓮島建樓五楹

綠雲樓

越湧翠巖地當西峪為瀑源所自出內

有水月精舍

創得齋

西峪最深處為屋三楹

觀瀑亭

山莊以瀑流增勝半山構亭

食蔗居

聽瀑而尋其源緣山取徑繚繞數折乃

至取其漸入佳境云

敞晴齋 山莊西北隅緣岡冠嶺構堂其上內有

青綺書屋繪韻樓

秀起堂 西峪中峯特起據峯為堂脩覽諸勝

靜含太古山房 鷺雲寺之側萬嶂環之曠如巢
如得靜者機焉

有真意軒 自西峪至秀起堂架屋數楹軒右曰
空翠書樓右曰小有佳處

碧靜堂 倚山為堂絕巘浮青在烟嵐縹渺間

含青齋 架巖為屋與敞晴齋隔溪相望

玉琴精舍 中有小滄浪室湧玉亭

文園獅子林 於清舒山館前度地為園

文津閣 山莊千尺雪之後卜高明爽塏以藏四

庫全書

宜照齋 於西北門內倚石城構齋五楹

山近軒 在山莊西北萬山深處

獅子園 園以傍獅子嶺得名

世宗憲皇帝在藩邸扈從

賜居此園

山莊三十六景

烟波致爽

澹泊敬誠殿後第三重為殿七楹

聖祖仁皇帝御題額曰烟波致爽為三十六景之冠殿宏敞高明旁挹雲嵐後帶湖渚真曠然上清天宇也

芝迳雲隄

由萬壑松風之前北行長隄蜿蜒宜渡方洲洲大
小凡三若芝英若雲朵復若如意者也

無暑清涼

芝遶雲隄東北洲曰如意建殿三重第一重面南
南為門曰無暑清涼洲四面皆水真清涼勝地也

延薰小館

如意洲正殿七楹左右配殿各五楹在無暑清涼
第二重南向榜曰延薰小館

水芳巖秀

延薰山館後十五楹在如意洲最深處鏡波繞岸

瑤石依欄

萬壑松風

前殿據岡背湖漸近湖為坡陀殿五楹北向長松
數百掩映周迴

松鶴清越

山莊內西偏為榛子峪殿門五楹南向

雲山勝地

煙波致爽之後高樓特起八牕洞達俯瞰羣峰夕

靄朝嵐頃刻變化不可名狀

四面雲山

山莊西北隅最高處一峯拔地構亭其山是亭切
漢凌霄羣山拱揖各開生面萬景天全

北枕雙峯

山莊內直北山嶺有亭焉平拔竦起與西北金山
東北黑山頡頏鼎峙如天門雙闕對拱簷楹

西嶺晨霞

自雲帆月舫石行傑閣竊然臨波面岫一鑑澄滄
千林蒼蔚紫霞晨映在雲岑木杪之間

鍾峯落照

山莊東五里許為磬鍾峯水經注所謂石挺也挺
在層巒之上孤石雲舉臨崖危峻可高百餘仞西
巔建亭每紅輪西下是峯迥出孤高揚暉天末

南山積雪

亭在山莊正北高據山巔南望諸峯環揖拱向杪

秋雪下皎然寒玉光中

梨花伴月

山莊西北曰梨樹峪靜深繚曲時當春月萬樹梨花素艷幽香清輝不隔真壺天勝界也

曲水荷香

亭南向在北山麓奇石參差澗水隨石折為小沼中植芙蓉亭亭萬柄紅葩翠蓋自然香遠

風泉清聽

松鶴清越之西置三楹曰風泉清聽有泉出兩山
間注谿穿竇風來澗谷則聽益清遠

濠濮間想

澄湖之北構亭凡四面如意洲亭居其中前臨芳
洲後翳密水水樹名瑟魚鳥相依

天宇咸暢

湖之東岸有阜巍然構殿宇其上中天積翠絳節

高居下則山趾巨石林立縱橫

暖溜暄波

熱河以水得名近東北門之隅有牖焉水自宮牆
折入蓋湯泉餘潤也

泉流石壁

北山之麓危崖直下數仞旁無路蹊古樹根盤迸
出石罅壁間懸流百丈飛注所謂泉源者也

青楓綠嶼

越泉源石壁而北跨山巔面南三楹勝曰疎幕幾

重當畫卷遙山三面送青來

鶯轉喬木

亭當萬樹園之陽翠幹凌雲濃陰密布倉庚于飛
睨睨下上載好其音蓋萬物各得其天不獨山光
悅鳥性也

香遠益清

萬樹園東南金山之陰構殿數楹曲沼漣漪涼軒

明淨雨過風來生香遠挹對之覺心境雙清也

金蓮映日

金蓮花本出五臺移植山莊茲延薰山館之右有
殿五楹西向是花環蔕葉亞樓交為湖山勝槩云

遠近泉聲

緣長隄而北石路半里許漸聞水聲鳴湍響澗漚
音橋畔水際風來泠然善也

雲帆月舫

仿舟形作室上為樓在如意洲延薰山館之西牕

標洞達綺縠疎通前挹湖波後銜沙渚波平風軟
宛然水際虛舟也

芳渚臨流

由萬壑松風西行稍折而北傍湖一曲有亭南向
游鱗來往於苔陰遠禽出沒於烟際洵乎飛潛動
植交呈化機矣

雲容水態

梨樹峪之東懸崖列嶂靈澤龍王廟在焉其南有
殿五楹東向有時片雲觸石與遙波相際當寫照
澄潭流老莫狀蓋雲無定容水非一態也

澄泉繞石

入梨樹峪一徑青蒼延緣山趾泉自石竇出峰迴
路轉隨石曲折數里許有亭北向

澄波疊翠

亭三楹在如意洲之陰北向湖光一碧遠極天際
亭畔古松一樹根四出盤石上大可合抱

石磯觀魚

由遠近泉聲而下畧徧斜通清溪一曲有石磯焉
潛鱗游泳如在鏡中石平如砥可以坐釣

鏡水雲岑

殿五楹在天宇咸暢閣下西向北固諸勝如在目
前江心拳石更覺別開面也

雙湖夾鏡

湖水自東北入南匯山泉為小湖山口石堰橫亘

隄岸天成南北卧長橋水從西而東泛衍為大湖

長虹飲練

長橋之南寶坊額曰長虹飲練與雙湖夾鏡對峙
太白彩虹之句合之茲橋兼擅其勝矣

甫田叢樾

湖北岸最東亭曰甫田叢樾地與萬樹園近平原

茂木飛走充盈廣場地迥

靈囿天成不數年華林勝槩也

觀蓮所延薰山館西南亭傍水南向

清暉亭如意洲東臨水一亭

般若相清暉亭西精舍一區南向中奉佛像

滄浪嶼嶼不滿十弓而峭壁直下有千仞之勢中

一片雲為小池石髮冒池如綠雲浮空
一片雲由延薰山館再折而東面三殿八楹

蘋香泚萬樹園之東南水濱殿三楹南向

萬樹園北倚山南臨湖其中平原數十畝有石碣

試馬埭 萬樹園西南於茲考牧

嘉樹軒 園東老樹垂蔭數十畝皆百年前物

樂成閣 嘉樹軒之上重閣五楹可以觀稼

宿雲簷 宮城東北隅山盡處平臺

澄觀齋 宮城東北殿五楹西南曰惠迪吉

翠雲巖 澄觀齋之後敞亭一

蒼畫軒 自青楓綠嶼折而東西曲室窈深疎櫺洞

凌太虛 北山之巔亭一東為含粹齋

千尺雪 寒山千尺雪以瀑泉得名玉琴軒之東

寧靜齋 千尺雪之後依山構齋

玉琴軒 與寧靜齋並峙

臨芳墅 水流雲在亭之隔岸西折而南殿五楹

知魚磯 臨芳墅前殿五楹面南

湧翠巖 瀑自巖而下巖間殿三楹

素尚齋 梨花伴月最上一重殿

永恬居 素尚齋之前後三十六景至此攬其全矣
殿五楹面南

蹕路行宮

喀喇河屯

地本古興州治在避暑山莊西南三十五里當山
莊未建康熙十六年

聖祖仁皇帝肇舉巡典

駐蹕於此中界滦河依山帶水北之京口浮玉故有小
金山之號熱河以南北為勝地

王家營行宮

在常山峪東北四十里康熙四十三年建其陽面

山地勢平曠澗壑交流

常山峪行宮

在兩間房東北三十三里康熙五十九年建中有
八景曰綠樾徑曰虛白軒曰青雲梯曰楓香阪曰
蔚藻堂曰如是室曰翠風埭曰跋霞亭

巴克什營行宮

出古北口十里許以巴克什營為止頤殿五楹南

向康熙四十九年建南望邊牆高山上雉堞參差與烟雲出沒惟聞潮河聲奔流入塞

兩間房行宮

塞外多山出古北口四十餘里康熙四十一年建昔以兩間房得名今則成聚成都雞犬相聞矣

鉤魚臺行宮

在避暑山莊東北十三里乾隆七年建為止頓土人舊呼雙黃寺當熱河上流三源既會產嘉魚

黃土壘行宮

在釣魚臺東北十七里康熙五十六年建為止頓宮之北則賽音河會入固都爾河也

中關行宮

在黃土坎東北七十里康熙五十一年建勝日松間明月過此十餘里有璽瓏峯若方壺圓嶠

什巴爾台行宮

在中關行宮北三十七里康熙五十九年建為止

頓山半有亭曠望高深俯視塞田萬頃

波羅河屯

在什巴爾台北十八里康熙四十二年建後依崇
巘前俯平林又非荊闕筆墨所能道也

張三營行宮

在波羅河北六十二里康熙四十二年建北即
石片子也地近崖口山勢雄奇

濟爾哈朗圖行宮

在波羅河屯西北五十八里入圖場有二道東道
自張三營入崖口西道自濟爾哈朗圖及阿穆呼
朗圖入伊瑪圖蒙古語阿穆呼朗圖康寧也濟爾
哈朗圖安樂所也

阿穆呼朗圖行宮

在濟爾哈朗圖之北四十三里乾隆二十七年建
地在伊瑪圖口之外於圖場最近

寺廟一

寺廟之在

山莊內者靈山寶地

聖蹟留貽所以推

恩薦福垂示勝因也

永佑寺

山莊內萬樹園乾隆十六年建南向內供奉

聖祖仁皇帝御容

世宗憲皇帝御容

水月菴

山莊內西北隅東向當西嶺深處山之半曰山心精
舍由西嶺山巔一筇登陟愈高為放鶴亭

碧峰寺

山莊內碧峰門之左東向

栴檀林

山莊內水月菴之後南向殿三楹喬林彌望岩葩洞

卉風過皆馨

萬景總春之廟

熱河水饒沃嘉植茂生夏卉秋英爛然盈目

御園內建廟以妥花神

靈澤龍王廟

山莊內湖北岸東向

廣元宮

山莊內廟制昉自岱宗盛於京輦東方德主生物列
在祀典所以致精禋昭

靈貺為民祈福之至意也

寺廟二

溥仁寺

山莊東三里許康熙五十二年

聖祖仁皇帝六旬萬壽蒙古諸藩恭建

御製碑文

康熙五十二年朕六旬誕辰衆蒙古部落咸至闕廷奉
行朝賀不謀同辭具疏陳懇願建刹宇為朕祝釐朕思
治天下之道非奉一己之福合天下之福為福非私一
己之安徧天下之安為安柔還能通自古難之我朝

祖功

宗德遠服要荒深仁厚澤淪及肌髓蒙古部落三皇不治
五帝不服今已中外無別矣論風俗人情剛直好勇自
百年以來敬奉釋教並無二法謹守國典罔敢隕越不
識不知太和有象朕每嘉焉鑒其惓誠重違所請念熱
河之地為中外之交朕駐蹕清暑歲以為常而諸藩來
瞻禮亦便因指山莊之東無闕於耕種之荒地特許營

度為佛寺陶甃於冶取材於山工用無輸輓之勞金錢
無侈踰之費經始訖功告成不日歷觀往史適邇前朝
版籍有區幅員未廣茲熱河之奧壤乃紫塞之神皋名
號不掌於職方形勝無聞於地志朕以涼德撫育萬方
邊牆之外悉為畿甸諸藩於此建寺介福率先恐後無
小無大罔不來同觀我觀民思維此理特題額曰溥仁
將欲汪濊之澤均霑率土升恒之慶廣洽普天徧覆含
宏民胞物與咸躋壽考各遂生成籍諸藩祝朕之忠誠

為萬方祈紀嘏之錫爰紀斯文勒諸貞石康熙五十三年三月十八日

溥善寺

山莊東溥仁寺後百步許康熙五十二年建南向
普寧寺

山莊東北五里獅子溝乾隆二十年平定準噶爾
上幸避暑山莊四衛拉特部落來覲

勅建普寧寺以昭

武功仿西藏三摩耶廟制南向

普佑寺

山莊東北六里許乾隆二十五年建南向

安遠廟

山莊東北山麓距普寧寺東南二里許乾隆二十九

年建以降人達什達瓦遷居山下仿伊犁固爾札

廟式西南向內有迴廊六十四楹所謂都綱也

普樂寺

山莊東北二里許西陲平定後乾隆三十一年建東
向諸藩瞻禮

普陀宗乘廟

山莊正北里許乾隆三十五年建仿西藏布達拉都

綢法式創建茲字

殊像寺

普陀宗乘廟西乾隆四十年建仿五臺山巖殊像

廣安寺

普陀宗乘廟之西乾隆三十七年建內樓六

二楹南向

羅漢堂

山莊北里許乾隆三十九年建內有五百羅漢

須彌福壽廟

乾隆庚子後藏班禪額爾德尼入覲見札什倫
布居之唐古特語札什謂福壽倫布謂須彌山也
熱河城隍廟

山莊西南三里乾隆三十七年建

守衛

熱河總管所轄內府三旗漢軍官兵掌守衛口外
行宮康熙四十二年初設總管先後銓移奉天黑龍
江吉林烏拉茅溝等處人戶安置熱河分衛

行宮雍正二年准總管尚書赫奕奏改設兵六百一
十一名舊制守備二員千總十四員雍正十年改
守備缺亦為千總共千總十六員副千總二十六
員乾隆三十五年增置苑副三員嗣因各處添建

行宮寺廟先後添設千總九員副千總十五員把總
四員兵二百九十八名今現額總管二員苑副三
員千總二十五員副千總四十一員把總四員兵
九百九名俱隸熱河總管

熱河總管二員

苑副三員

熱河

行宮守衛千總十一名副千總二十二員

喀喇河屯

行宮守衛千總一員副千總一員

王家營

行宮守衛千總一員

長山峪

行宮守衛千總一員副千總一員

兩間房

行宮守衛千總一員副千總一員

古北口

行宮守衛千總一員副千總一員

釣魚臺

行宮守衛副千總一員

黃土坎

行宮守衛副千總一員

中関

行宮守衛千總一員副千總一員

什巴里台

行宮守衛副千總一員

博羅河屯

行宮守衛千總一員副千總一員

濟爾哈朗圖

行宮守衛千總一員副千總一員

阿穆呼朗圖

行宮守衛千總一員副千總一員

張三營

行宮守衛千總一員副千總一員

熱河溥仁寺普樂寺安遠廟普陀宗乘廟殊像寺
普寧寺廣安寺羅漢堂八處守衛千總五員副千

總六員把總四員

共守衛兵九百九名

設官

總目

都統 乾隆三年裁總管副總管改設副都統

嘉慶十五年裁副都統改設都統總理旂民地方

事務 協領以下官兵載駐防條

嘉慶十五年四月十七日奉

上諭口外沿邊地方自康熙年間已有內地民人在彼

耕種居住百餘年來流寓漸多生齒益衆雍正元年

添設官員現在吉林盛京直隸山西口外毗連一帶
共設有一府一州五縣十二廳此內各廳有隸吉林

將軍統轄者有隸奉天府尹統轄者有隸山西巡撫
統轄者至承德府所屬各州縣及宣化府口外三廳
皆屬直隸總督統轄地方遼濶於吏治察核刑名審
轉諸多不便朕意當於熱河地方設一大員將承德
府等處附近各屬專令統轄如何改隸統屬並建置
各事宜著大學士會同各該部妥議具奏欽此

軍機大臣會同各部院議定條款分載各門

熱河總管 康熙四十二年設專管漢軍官兵等

守衛口外

行宮

所屬官兵事宜
另載 行宮門

分巡熱河等處兵備道一員

乾隆五年設四十三年改設承德府及六州縣俱

歸道員統轄兼轄武弁駐熱河

承德府知府一員

雍正元年初設熱河同知掌旗民事務十一年改

設承德州以同知專理旗務遇有旗民交涉之事彼此會同辦理乾隆七年裁承德州即以同知移駐州署仍統理旗民四十三年改為承德府知府轄州一曰平泉縣五曰滦平曰豐寧曰建昌曰朝陽曰赤峯府如直隸州制

府經歷一員

乾隆七年設熱河巡檢專管廳監獄及熱河之左哨右哨中關等汛巡緝事宜四十三年改為承德

府經歷

教授一員

乾隆四十二年設熱河道學教授四十三年改為

承德府學教授

司獄一員

張三營巡檢一員

乾隆七年設管理唐三營茅溝石片子等汛巡緝

事宜

平泉州知州一員

雍正十年設八溝理事同知與理藩院分管喀喇
沁蒙古民人緝捕盜賊等事八溝東街之鋼义帽
烏勒呼瑪梁南嶺等處地方隸之十三年東河通
判移駐土城子其所轄八溝西街之雅圖溝龍鬚
門等汛併歸廳治凡旗民命盜錢穀專歸八溝同
知管轄四十三年改為平泉州仍以同知管州事
州判一員 駐大寧城

吏目一員

雍正十年設巡檢乾隆四十三年兼州吏目事

灤平縣知縣一員

乾隆七年設喀喇河屯理事通判管理旂民事務
四十三年改為灤平縣仍以通判管知縣事

典史一員

乾隆七年設巡檢管喀喇河屯馬圈子司馬臺潮
河川等汛巡緝事務四十三年兼縣典史管監獄

鞅匠屯巡檢一員

乾隆元年以西河司巡檢移駐匠屯卯正喇嘛洞
大店子虎什哈等汛巡緝事宜屬承德州七年裁
州改屬喀喇河屯今屬滦平縣

豐寧縣知縣一員

雍正十三年以東河通判移駐於四旂廳土城子
地方管理鑲黃正白鑲白正藍四旂蒙古命盜事
件乾隆四十三年改為豐寧縣以通判管知縣事

典史一員

乾隆元年設巡檢管廂白旂土城子地方事務及
四旗廳監獄四十三年改為典史

黃姑屯巡檢一員

乾隆元年設巡緝正藍旂地方

郭家屯巡檢一員

乾隆元年設巡緝正白旂地方

大閣巡檢一員

乾隆元年設巡緝廂黃旂地方

赤峯縣知縣一員

乾隆三十九年析八溝廳北境為烏蘭哈達設理事通判四十二年改為赤峯縣仍以通判管知縣事典史一員

乾隆二十年設屬八溝同知三十九年改隸烏蘭哈達廳四十三年改典史管監獄

大廟縣丞一員

建昌縣知縣一員

乾隆四年設理事通判管理喀喇沁貝勒扎薩克
塔布囊兩旗蒙古民人事件十三年令兼土默特
兩旗事務十七年復以奈曼一旗隸之四十二年
改塔子溝為建昌縣仍以通判管知縣事

四家子縣丞一員 牯牛營子巡檢一員

典史一員

朝陽縣知縣一員

乾隆三十九年析塔子溝東境置三座塔廳設理事通判一員四十二年改三座塔為朝陽縣仍以通判管知縣事

典史一員

乾隆十六年設隸塔子溝廳三十九年改隸三座塔廳四十三年改朝陽縣典史管監獄

鄂爾土阪巡檢一員

試用佐雜無定數

八溝理事司員一員

乾隆十七年由理藩院派司員管理八溝稅務兼管蒙古民人事件一年差滿更換四十二年改為理事官仍管稅務二年更換隸都統轄

管喀喇沁王扎薩克公地方

烏蘭哈達理事司員一員

乾隆十三年設理藩院司員管理稅務兼理蒙古民人事件嘉慶十五年改為理事官仍管稅務二

年更換隸都統轄

管巴林扎薩克王 扎薩克貝子地方

三座塔理事司員一員

乾隆十三年設理藩院司員管理稅務兼理蒙古
民人事務嘉慶十五年改為理事官仍管稅務二
年更換隸都統轄

管奈曼扎薩克固山貝子地方

土默特扎薩克貝勒 扎薩克固山貝子地方

喀爾喀扎薩克貝勒 西喀圖庫倫喇嘛地方
塔子溝理事司員一員

乾隆十八年初設筆帖式協理稅務嘉慶十五年
改設理事官管理蒙古民人事件仍管稅務二年
更換隸都統轄

管教漢扎薩克王 鎮國公地方

喀喇沁扎薩克塔布囊地方

興學

乾隆四十一年八月內閣奉

上諭朕每歲木蘭秋獮先期駐蹕熱河數十年來見該處
戶口日增民生富庶且農耕蕃植市肆殷闐儼然成一
都會惟絃誦之風未盛由於口外之人多樸魯無所師
承且未另立學額更無以示鼓舞因思各廳所屬編氓
及僑居年久者其子弟應不乏秀良誠能教育而振興
之未嘗不足以示造就宜創立義學延師訓課以勵文
風並當建立學宮酌定學額俾得藉以上進其如何興

建籌辦着該督周元理悉心勘議具奏至學校章程並
著會同學政羅源漢酌議奏聞副朕嘉惠塞民廣學毓
材至意欽此

乾隆四十三年正月內閣奉

上諭熱河地方現已興建學宮議定庠額並命設立考棚
將來人文日盛儼一大都會而名稱仍熱河之舊殊與
體制未協因思熱河曾稱為承德州嗣後應改為承德

府即以熱河同知改設其廨署無庸另造其餘六廳如
八溝較大似應改為知州喀喇河屯等廳酌量改縣均
隸新設之承德府管轄並隸熱河道考核著傳諭周元
理將應行酌改各事宜悉心籌畫妥議具奏候朕另降
諭旨將此諭令知之欽此

乾隆四十四年五月內閣奉

上諭熱河現在庠生已有五十餘人均應與順天鄉試雖
丁酉科曾經中式一人但邊外士子樸魯者多恐尚未

能與通省貝字號卷校藝獲雋者加恩照宣化府之例
另編承字號每科鄉試取中舉人一名俾士子知上進
有階愈加鼓舞俟將來文風漸盛人數多至百餘名該
督臣學臣再行奏聞增額以示嘉惠上塞士林多方樂
育至意欽此

乾隆四十一年十月禮部議准熱河建立學宮各
事宜

文廟地基奉

旨指定熱河城隍廟之東所有大成殿明倫堂等處仿照
內地規制建造

每廳各設義學一處延請品學兼優之士分司訓
課其束修膳金並生童膏火等項銀兩按年報部
動支

七廳總設教授一員額定廩生十六名科歲考挨
次拔補照例三年挨貢一次十二年拔貢一次
乾隆四十三年三月吏部等部議准原定入學額

額數尚少應再行加增承德府原額四名加增二
名其六州縣原額二名各加增二名俱隸承德府
學俟將來六州縣入學人數漸多另於各處建學
以昭

聖世人文之化

現定歲科兩試取進文武生員額數

承德府取文生員六名

武生二名

平泉灤平豐寧建昌赤峯朝陽六州縣

各取文生員四名

武生一名

八旗駐防按五六名取文生員一名 武生一名

圍場駐防按五六名取文生員一名 武生一名

熱河園亭按五六名取文生員一名 武生一名

熱河莊頭按五六名取文生員一名 武生一名

承德府學額設廩增二十四名

承德府秀峯書院山長

脩膳銀一百八十兩

肄業生童三十名

每月膏火銀一兩五錢

加恩體卹為之建置職官經理其事惟該處蒙古民人
交涉事件向係八海三座塔烏蘭哈達三稅員與
平泉建昌朝陽赤峯等州縣會辦由稅員呈報理
藩院由該州縣申詳府道司總督並無彙總核辦
之衙門該稅員既職分較輕不足以資彈壓而直
隸總督復相距寫遠又於該稅員向無統屬辦理
未免隔膜臣等細心酌議熱河原設有副都統一
員應請裁汰改設都統一員除管轄駐防官兵外

所有附近一帶蒙古事件俱改歸都統專辦等因
具

奏奉

旨依議欽此謹按初議章程及八月續議條款並欽奉
諭旨列纂於左

一平泉等四州縣人民計十萬八千六百餘戶四十
三萬八千四百餘口在扎薩克等希圖地租日逐
增墾未有底止該蒙古等究以畜牧為本務墾地

愈多牧場愈窄於窮苦蒙古無益近年屢奉

諭旨禁止民人私出邊口並禁止扎薩克私行招民墾種但恐該扎薩克等罔知遠慮而台吉章京等徇於近利不識大體其私給民人開墾之事仍難保其必無皆須實力查禁如業經開墾熟地其民人或認少墾多欺隱地畝或抗租不交或鑽求爭佃該台吉章京等或先經租給民人及開墾成熟復翻悔退租或受人奪佃或無故攆逐情節多端亦

須隨時查辦務歸平允

一民人租種蒙古地畝向無存官冊檔舊墾原數既無稽考將來私墾豈能禁絕應責成新設理事司員及平泉等四州縣等各將民人租種蒙古地畝實在戶名畝數報明註冊並照造一分詳送熱河都統衙門如此次匿不報出一經查出照私墾例

治罪

一行文盟長扎薩克等嗣後各部落內除先經開墾

之地畝外斷不准再招民人私開其從前租民人
已墾之地實計頃畝若干由該扎薩克並租地民
人姓名造冊送交都統衙門存案

一民人如有退租頂租等事俱令報明該理事官州
縣官註冊以憑查核又該扎薩克地方如有空閑
牧廠而無牲畜情愿開墾者亦當隨時呈報都統
衙門由都統察勘

奏明辦理若未經呈報私行招墾者一經發覺即嚴
行叅辦

一八溝三座塔烏蘭哈達三處向由理藩院派司員
各一員收稅塔子溝向派理藩院筆帖式一員收
稅原係八溝分口其蒙古事件仍歸八溝管理今
既改為理事官應於塔子溝添設司員將筆帖式
撤回此四處司員應照察哈爾遊牧理事司員之
例俱改為蒙古理事官為都統之屬如有應報理
藩院之事俱令呈報熱河都統核實報院其各處

稅務仍令理事官照例徵收起解呈報理藩院其
應支俸銀俸米仍照稅員之例支給

新疆等處向有六部司員理藩院司員奏派前往
在該將軍都統衙門隨同辦事今熱河都統統轄
旗人蒙古一切刑各案件俱由都統核辦自應添
派六部司官一員理藩院司官一員前往照例三
年更換等因具

奏奉

旨熱河非新疆可比應用漢字案件較多所有隨同辦事司員除理藩院司員照議揀派外其應派六部司員著由刑部揀選熟悉刑名漢司員二員候朕簡派一員前往三年期滿如果該員等辦理妥協著該都統保奏引見候朕陞用倘不稱職即隨時叅奏欽此

一都統衙門辦事司員應照新疆司員之例支給雙俸即在該處支給如有願留京支領者照例辦理

鹽菜口糧每月的給公費銀五兩以資辦公

一熱河道以下各員請照烏魯木齊都統兼轄文職
之例令該都統兼轄遇有熱河圍場等處旗民交
涉事件及平泉州四州縣蒙古民人交涉事件經
該府州縣驗詳照例招解都統衙門即由都統審
明定擬會總督後銜分別

奏咨辦理如專係民人案件仍循舊制由該州縣議
詳府道兩司歸直隸總督辦理不必再由都統核
辦以專責成

一河屯協副將以下綠營各員弁及該道府州縣所
設捕盜各汛應歸併都統兼轄庶於協捕事宜可
期得力

一嘉慶十五年八月二十七日奉

旨軍機大臣會同各部院衙門議奏新設熱河都統章
程內其旗民交涉案件既由該都統審擬將來秋審
時自應另繕黃冊進呈至該處之文武員弁大計軍
政俱著該都統切實舉劾會總督後銜具題欽此

一都統衙門筆帖式二缺現有朝興慶保二員仍令
其辦理印房事務缺出時即將從前考取之人指
補將來考取無人照例題請考試補用其新設筆
帖式如果通曉例案辦事勤慎遇部院司員缺出
准該都統保奏給與主事職銜辦理司員事務五
年期滿送部引

見如奉

旨照例用者令其分部行走三年期滿甄別奏留以本衙門主事補用平等之員咨部銓選歸於不論雙單月陞選二缺之後選用其不願來京者即以該處防禦補授

一都統衙門向有印房筆帖式二員係辦理印房事務其辦理刑名案件應添設筆帖式二員即令該都統於駐防領催內考取通曉清文及蒙古繙譯者二人充補專辦刑名事件照吉林黑龍江之例送部引

見補放准其與在京各處筆帖式一體較俸陞轉

一通曉刑名書吏應令該都統與新設之貼寫書吏一體選充報部照吏員之例辦理仍不准復充

一平泉州等州縣係屬蒙古地方向例遇有盜劫案

件免其題叅疎防照命案緝兇之例扣限查叅其

餘人命竊案暨各項逃人向照內地州縣之例議

處今該州縣等改為都統所轄其前項處分均請

仍照舊例辦理

一蒙古地方失事武職捕盜之員向有專條應令該都統遇有盜劫之案將捕盜之員按照定例扣限六箇月查叅送部議處至失察逃人之案向按所犯案情分別勒限照內地承緝之例辦理嗣後如有失察逃人之武職應仍照舊核辦

一扎薩克蒙古官員應遵照乾隆六年理藩院擬議歸化城土默特蒙古交涉命盜各案逃犯勒限承緝不力處分章程量加增減核議

一平泉建昌朝陽赤峯遇有蒙古交涉命盜各案之
蒙古逃犯均於申報到日起由該營扎薩克出派
蒙古委員勒限承緝初叅六個月限滿未獲將承
緝之員記過一次二叅一年限滿停陞註冊三叅
一年限滿未獲罰一九牲畜四叅一年限滿未獲
革職留任三年無過准其開復未獲之犯由該都
統通飭各該處一体嚴拏務獲如初叅限內全行
拏獲者承緝之員給與紀錄三次另人拏獲者加

一級註冊二叅限內全行掣獲者承緝之員給與紀錄二次另人掣獲者給與紀錄三次三叅限內全行掣獲者承緝之員給與紀錄一次另人掣獲者給與紀錄二次四叅限內掣獲者承緝之員功過相抵另人掣獲者給與紀錄一次

一扎薩克協理台吉等均有督緝之責如四叅限滿未獲者罰該扎薩克俸六個月協理台吉等各罰一九牲畜均交該旗存公備賞於年終彙總報理

藩院查核所得加級紀錄報院註冊遇有降罰處
分照例議抵

一都統歲支俸銀一百八十兩俸米八十五石五斗
歲支養廉銀一千二百兩

一印房筆帖式并刑司筆帖式仍支領催原餉銀米
所需書吏工食每名每月酌給銀二兩四錢

一心紅紙張一切廉俸并書吏工食等項銀兩隨同
熱河官兵俸餉一體赴部關領以歸畫一

一每年

皇上臨幸熱河及進哨

親行秋獮大典所有古北口外至熱河由熱河至哨門

道路橋梁向係直隸總督飭屬經理未便更改舊

章嗣後古北口外至哨門一帶橋道請仍由直隸

總督飭令該管道府等照常承辦不得以現設都

統兼轄互相推諉

以上各條十五年八月奉

旨該都統一切遵照新例辦理餘俱照所議行欽此

都統衙門事宜

印房 派員兼管

協領二員

佐領四員

防禦四員

驍騎校二員

筆帖式二員

本摺房 印房章京兼管

寫滿漢奏摺貼寫兵十五名

左司專管八旗官兵事務

派員兼管

協領一員

佐領三員

防禦二員

騎都尉一員

驍騎校一員

八旗官員

滿州八旗協領四員

內有兼翼長二員
戴花翎各兼佐領

蒙古八旗協領一員

兼佐領

滿洲八旗佐領十二員

蒙古八旗佐領三員

防禦二十員

驍騎校二十員

前鋒校十員

世襲騎都尉二員

八旗兵丁

前鋒二百九十名

內有射布把中五支

特賞藍翎長十九名

額設藍翎長十名

空金頂二十名

領催一百名

馬甲一千七百名

養育兵一百名

共兵二千二百名

庫貯

青紬綿甲六百副 乾隆三十七年綏遠城領到
梅針箭五千支 乾隆三十七年由工部領到
白布帳房三百架

戶房承辦

都統每年養廉銀一千二百兩 按月支領

二季俸銀一百八十兩

二季俸米八十五石五斗

協領五員

二季俸銀一百三十兩

二季俸米三十一石

二季俸米折銀四十五兩五錢

拴馬十二匹每馬一匹每月銀二兩八箇月

共馬乾銀一百九十二兩

佐領十五員

二季俸銀一百零五兩

二季俸米二十五石

二季俸米折銀三十六兩七錢五分

拴馬八匹每馬一匹每月銀二兩八箇月馬

乾銀一百二十八兩

防禦二十員

二季俸銀八十兩

二季俸米十九石

二季俸米折銀二十八兩

拴馬五匹每馬一匹每月銀二兩八箇月馬

乾銀八十兩

騎都尉兼一雲騎尉一員

二季俸銀一百三十五兩

二季俸米六十四石一斗二升五合

未及歲騎都尉一員

二季半俸銀五十五兩

二季半俸米二十六石一斗二升五合

筆帖式二員

二季俸銀二十一兩一錢一分四厘

二季俸米五石零二升八合四勺

二季俸米折銀七兩三錢九分

拴馬四匹每馬一匹每月銀二兩八箇月馬

乾銀六十四兩

驍騎校二十員

每月餉銀五兩 遇閏無增

四季餉米十四石二斗五升
四季餉米折銀二十一兩

拴馬四匹每馬一匹每月銀二兩八箇月馬

乾銀六十四兩

前鋒校十名

每月餉銀五兩

四季餉米十七石三斗

四季餉米折銀十六兩八錢

前鋒領催三百九十名

每月餉銀四兩

四季餉米十一石一斗

四季餉米折銀十六兩八錢

馬甲一千七百名

每月餉銀三兩

四季餉米十一石一斗

四季餉米折銀十六兩八錢

養育兵一百名

每名月支餉銀一兩四錢

四季餉米五石七斗

四季餉米折銀八兩四錢

烏鎗兵丁拴馬五百匹

每馬一匹每月銀二兩八箇月馬乾銀八千

兩留差馬四十匹馬乾銀三百二十兩嘉慶

十年經前任副都統慶 奏明多留四十匹

於差費生息銀內動撥喂養

辦事司官二員

每員二季俸銀一百六十兩

二季俸米三十八石

十二箇月公費銀六十兩

理刑筆帖式二員

每員二季俸銀二十一兩一錢一分四厘

二季俸米五石零二升八合四勺

二季俸米折銀七兩三錢九分

拴馬四匹每馬一匹每月銀二兩八箇月馬

乾銀六十四兩

每年養廉銀五十兩

都統衙門每年心紅紙張銀五百兩

執事人役五十六名每名月支銀五錢

承差十四名每名月支銀五錢

一年共工食銀三百三十六兩

書吏四十名每名月支銀二兩四錢

一年共工食銀一千一百五十二兩

以上每年由戶部請領官兵俸餉米折馬乾工食等項銀十四萬三千餘兩

由戶部請領備用銀二千五百兩專為新陞官員挑補兵丁並已故官兵之妻孀婦支用此

項銀兩自乾隆二十九年遵奉部文請領

由直隸藩庫請領兵丁紅白賞銀並孤寡養贍

銀六千兩此項銀兩自雍正十三年請領

乾隆三十五年由藩庫支銀備借銀五千七百兩專為官兵出差並紅白事件借項動用

乾隆四十四年每年由內務府領給公用銀三千二百兩

乾隆六十年經前任副都統那 奏請奉

賞給銀五萬兩交熱河道生息按一分行息一年應得利銀六千兩撥給園場處銀一千五百兩本處實存銀四千五百兩以備官兵出差帶

貼並官員馬乾兵丁飯食支用

嘉慶十一年經前任副都統慶 奏准在於本
處積存公用並生息銀兩二項湊撥八千兩
交熱河道生息一年得利銀九百六十兩遇
閏加增以為接

駕行圍幫貼之用

喜寬二站每年應需夫馬工料等項銀四千一

百九十餘兩此項銀兩每年二季由該管驛
站官委員赴直隸藩庫支領解交熱河道庫

存貯按季支領每站額馬六十匹一年四分
倒斃每馬價銀六兩五錢內除馬皮每張五
錢銀外應領馬價銀二百八十八兩廩糧銀
八十兩此項銀兩由藩庫承領該站存貯

蒙古十六站每站額馬五十匹一年三分倒斃
每馬價銀六兩五錢內除馬皮價銀五錢外
應需馬價銀一千五百十三兩每年由八溝

稅員移交道庫按季支領

蒙古十六站每站廩羊六十隻共羊九百六十隻每隻價銀七錢此項羊隻每年支用多寡不一遇應領之時由該站員備文委員赴八溝稅員處支領分放各站備用

右司 專管錢糧銀庫 派員兼管

協領一員

佐領一員

防禦二員

驍騎校三員

火器營

派員兼管

協領一員

佐領二員

庫貯

火藥七千六百五十觔

烘藥七十七觔十三兩

火繩六千七十丈五尺

肆兩八錢重鉛子三百箇

三兩重鉛子六百箇

二兩六錢重鉛子六百箇

三錢重鉛子一萬箇

又存本年拾回四兩八錢重鉛子一百一十箇

三兩重鉛子四百二十箇

二兩六錢重鉛子四百二十箇
三錢重鉛子七千箇

馬檔房
派員兼管

協領一員

佐領一員

驍騎校二員

專管支放馬乾銀兩

額魯特營
派員兼管

協領一員

佐領二員

管轄額魯特官兵

總管一員 支四品俸

副管一員 支五品俸

叅領一員 支五品俸

佐領二員 支六品俸

雲騎尉一員 支六品俸

驍騎校二員 食餉銀四兩

六品銜養鷹頭目一名 支餉銀四兩

兵八十五名

三兩養鷹兵十四名 領催十名

二兩馬甲二十名 一兩五錢養育兵四十名

一兩孀婦孤女十六名

存海青五架 鴉鵂十九架 兔鵂二架

喇嘛科 派員兼管

協領一員

佐領二員

溥仁寺

達喇嘛一名 格思貴一名

二兩餉銀喇嘛十九名

一兩五錢餉銀喇嘛三十名

副千總一名 兵五名

此廟香燈等銀二百六十餘兩
由總管衙門支領

溥善寺

薩拉達喇嘛一名 德木齊一名

二兩銀喇嘛十五名 八錢五分喇嘛三十二名

此廟一年香燈銀五十兩

普寧寺

普佑寺

達喇嘛一名

副達喇嘛四名 薩拉達喇嘛三名

得木齊四名

格思貴一名

二兩銀喇嘛八十七名

一兩銀喇嘛一百三名
五錢喇嘛十七名

千總一名 副千總二名 兵二十八名

此二廟一年香燈等銀九百八十三兩零五

分八厘

安遠廟

副達喇嘛二名 薩拉達喇嘛一名

得木齊一名 格魯貴一名

一兩銀喇嘛十三名 一兩五錢銀喇嘛二十七名

千總一名 副千總一名 兵十二名

此廟一年香燈等銀一百兩

普樂寺

無喇嘛居住

每月初十二十五等日溥仁溥善二寺

喇嘛六十二名念經

千總一名 副千總二名 兵十七名

此廟一年香燈等銀一百八十兩

殊像寺

達喇嘛一名

副達喇嘛一名

得木齊二名

格思貴二名 教習五名

二兩銀喇嘛二十名

一兩五錢銀喇嘛三十名

千總一名

副千總二名

兵十三名

此廟一年香燈等銀二百兩

廣安寺又名戒臺 無喇嘛居住

每月初八日布達拉堪布五十名喇嘛念經

副千總一名

兵十三名

此廟一年香燈等銀一百兩

羅漢堂 無喇麻居住

每月初一十五日

布達拉三寺喇麻念經

副千總二名 兵十三名

此廟一年香燈等銀一百兩

以上八廟香燈銀兩係八溝稅員送交

布達拉 即普陀宗乘廟

坐床堪布喇麻一名 達喇麻一名

副達喇麻三名

獲拉達喇麻一名

得木齊四名 格思貴一名

二兩銀喇嘛一百名

一兩五錢銀喇嘛二百名

千總一名

副千總三名

兵四十三名

此廟一年香燈等銀九百九十九兩六錢係

由熱河道生息項下送交 遇閏加增

扎什倫布

即須彌福壽之廟

總理堪布喇嘛一名

副達喇嘛一名

蘇拉達喇嘛一名

得木齊二名

格思貴二名 二兩喇嘛六十名

一兩喇嘛一百四十名
五錢

千總一名 副千總二名 兵五十名

此廟一年香燈等銀六百兩係塔子溝稅員
送交

廣緣寺

蘓拉達喇嘛一名 二兩銀喇嘛十名

以上自堪布至食八錢五分銀喇嘛月支銀

米俱由京城札薩克掌印處關領食一兩五
錢喇嘛六百名餉銀係由戶部請領在都統
衙門貯庫按月支放其餉米由總管倉按季
支放

以上共大小喇嘛一千零九名

駐防

熱河北界興安東接遼左漢魏以來諸部紛爭罕
有寧宇控馭之道無聞焉我

朝幅員無外

盛德遐敷塞垣之區不殊腹裏雍正二年初設總管一

員副總管二員佐領十六員驍騎校十六員筆帖

式二員兵八百名分駐熱河喀喇河屯樺榆溝三

處乾隆三年裁總管副總管改設副都統一員增

置協領六員

三十八年裁蒙古右翼四旗協領一員

防禦二十員又

增佐領四員驍騎校四員兵一千二百名嘉慶十

五年裁副都統改設都統一員轄協領五員佐領

二十員

內五佐領協領兼管

防禦二十員驍騎校二十員筆

帖式二員兵二千名又於五十一五十七等年奉

旨賞添兵二百名共兵二千二百名

俱隸熱河都統樺榆溝官兵均移駐熱河

滿洲鑲黃正白二旗協領一員

正黃正紅二旗協領一員

鑲白正藍二旗協領一員

鑲紅鑲藍二旗協領一員

駐防喀喇河屯

蒙古八旗協領一員

滿洲鑲黃旗佐領二員防禦二員驍騎校二員

駐防熱河

正黃旗佐領二員防禦二員驍騎校二員

駐防熱河

正白旗佐領二員防禦二員驍騎校二員

駐防熱河

正紅旗佐領二員防禦二員驍騎校二員

駐防熱河

鑲白旗佐領二員防禦二員驍騎校二員

駐防熱河

正藍旗佐領二員防禦二員驍騎校二員駐防熱河

鑲紅旗佐領二員防禦二員驍騎校二員駐防喀喇河屯

鑲藍旗佐領二員防禦二員驍騎校二員駐防喀喇河屯

蒙古鑲黃正白二旗佐領一員防禦一員驍騎校

一員駐防熱河

鑲白正藍二旗佐領一員防禦一員驍騎校一員

駐防熱河

正黃正紅二旗佐領一員防禦一員驍騎校一員

駐防
熱河

鑲紅鑲藍二旗佐領一員防禦一員驍騎校一員

駐防
熱河

筆帖式二員

共駐防二千二百名

駐防熱河一千七百六十名

駐防喀喇河屯四百四十名

營汎

康熙四十五年初設河屯營守備駐劄喀喇河屯
四十八年移駐熱河雍正元年添設河屯營叅將
九年改設守備為中軍守備十年設八溝營守備
唐三營守備各一員增置弁兵乾隆二年准直隸
總督瞻柱奏改河屯營叅將為副將添設左右二
營改中軍守備為中軍都司兼管左營事設左右
土城子守備一員改八溝營守備為八溝營都司
仍與原設之唐三營守備同歸河屯協管轄自副

將以下並聽熱河駐防大臣調遣其巡哨之制千
總把總外委每月與鄰汛會哨一次都司守備每
季會哨一次副將每年春冬巡查一次其副將以
下官兵俱隸古北口提督管轄嘉慶十五年改設
熱河都統原議章程河屯協副將以下綠營各員
弁及該處州縣所設捕盜各汛亦應歸併新設都
統兼轄欽奉

諭旨該處文武各員大計軍政俱著該都統切實舉劾
會總督後銜具題欽此

河屯協副將一員

駐劄熱河統轄左右唐三三營分防十六汛七撥
墩台二十處

左營駐劄熱河

中軍兼左營都司一員

署中軍千總一員

左哨把總一員

右哨把總一員

額外外委六員

馬步守兵三百二十名 營馬九十三匹

左營分防各汛

喀喇河屯 千總一員 額外外委一員

馬步守兵三十四名 營馬十五匹

七間房 經制外委一員 兵六名 馬五匹

馬園子

把總一員

兵二十六名

馬十五匹

三道梁

外委一員

兵八名

馬六匹

紅石巒墩台

兵五名

中關

把總一員

兵十五名

馬九匹

碾子溝

頭溝

韓麻營

每處兵五名

下板城

把總一員

兵十三名

馬四匹

新伏子

外委一員

兵六名

馬三匹

六溝

把總一員

兵二十二名

馬十一匹

楊樹溝墩台

兵五名

二溝 外委一員

兵九名 馬十匹

茅溝 把總一員

兵十八名 馬五匹

右營駐劉熟河

守隘一員

把總一員

額外外委八員

馬步守兵二百九十名 管馬八十九匹

右營分防各汛

土城子 千總一員 外委一員

兵五十三名 馬十四匹

森吉圖 千總一員 外委一員

兵十九名 馬六匹

郭家屯 把總一員 兵十七名 馬四匹

上黃旗 把總一員 兵十六名 馬四匹

大閣兒 把總一員 兵十六名 馬四匹

鄧家柵子 外委一員 兵十名 馬九匹

虎什哈 把總一員 兵十五名 馬五匹

小白旗墩台 兵五名

唐三營駐劄

守備一員

中軍千總一員

額外外委三員

馬步守兵七十四名 營馬四十匹

分防各汛

黃姑屯 千總一名 兵二十七名 馬十一匹

荒地 外委一員 兵六名 馬三匹

湯頭溝墩台 兵五名

白虎溝 把總一員 兵十五名 馬十五匹

喇嘛洞 把總一員 兵十九名 馬十一匹

紅旗撥 外委一員 兵五名 馬三匹

大店子 把總一員 兵十九名 馬九匹

三岔口 鞍匠屯 每處兵五名

以上均隸古北口提督 熱河都統兼轄

八溝營

嘉慶十六年直隸總督奏設八溝營官兵分八溝

建昌赤峯朝陽四營

八溝營叅將一員

守備一員

千總二員

把總四員

外委三員

馬步守兵二百六十六名 馬一百零七匹

建昌營

都司一員

千總四員

把總一員

外委一員

兵三百七十八名 馬七十二匹

赤峯營

都司一員

千總四員

把總一員

外委一員

兵三百七十八名
馬七十一匹

朝陽營

守備一員

千總四員

把總一員

外委一員

兵三百二十八名 馬六十二匹

以上均隸古北口提督熱河都統兼轄

捕盜營

乾隆元年准直隸總督李衛奏請恭設喀喇沁捕盜千總一員聽八溝同知差遣偵捕仍隸河屯協塔子溝千總一員外委把總一員十五年於八溝所屬之黃土梁添設額外外委一員十八年復於八溝所屬之卧佛寺添設把總一員並以八溝塔子溝額設千總并兵改隸督標二十一年設烏蘭

哈達千總一員二十九年設熱河捕盜把總一員
三十七年添設額外外委一員三十九年設三座
塔捕盜把總一員鄂爾土板外委把總一員並隸
督標管轄專聽熱河道府差遣偵捕今現額設千
總三員把總三員外委三員額外外委三員馬
兵一百三十七名

承德府屬

捕盜把總一員 額外外委一員

平泉州屬

喀喇沁捕盜千總一員 卧佛寺把總一員

黃土梁外委一員

建昌縣屬

塔子溝千總一員 外委一員

赤峯縣屬

烏蘭哈達千總一員

朝陽縣屬

三座塔把總一員 鄂爾土板外委一員

驛站

康熙三十一年定各蒙古地方皆安設驛站每站相距百里惟科爾沁左翼前旗左翼後旗等由山海關外路行走郭爾羅斯前後二旗杜爾伯特由黑龍江路行走不必另立台站外餘均擇水草形勢之地安設台站

自古北口外至烏珠穆沁等旗為一路計九百餘里除近邊三百里舊有站外添設六站每驛設馬五十匹驛丁三百名設蒙古員外郎一員筆帖式

一員掌管

自喜峯口外至扎賚特等旗為一路計一千六百
餘里除近邊二百里舊有站外添設十四站每驛
設馬五十匹增設驛車設蒙古員外郎一員筆帖
式一員掌管

乾隆十四年以蒙古驛站穿行園場不無驚擾奉
旨移於園場外界墨爾根嶺東溝安設今定制蒙古驛站

由古北口十站

美諾溝 錫爾哈 阿梅溝 卓索 陳都布

來色呼都布 西拉木倫 噶察克 海拉察克

阿魯噶木爾

由喜峯口十六站

五十家 克斯呼 拖和圖 百爾克 轟郭圖

沙喇諾爾 庫車爾 賽音哈克 西納郭爾

奎素布拉克 博羅額爾兒 諾穆齊 沙哈圖

阿爾坦克勒蘇特 鍾對 海岱罕

由古北口者經灤平縣豐寧縣

由喜峯口者經平泉州建昌縣

喜峯口站官一員 筆帖式一員

額馬六十匹

寬城站外委一員 壯丁五十名 額馬六十匹

蒙古十六站每站章京一員 驍騎校一員

兵四十八名 廩羊六十隻

承德府屬

熱河站 馬二十匹

滦平站 馬十二匹

豐寧站 馬八匹

平泉站 馬八匹

赤峯站 馬八匹

建昌站 馬八匹

朝陽站 馬八匹

右七站凡應付夫馬奏銷錢糧並熱河道府州縣
掌管

圍場

謹按水蘭千里泉甘壤沃界以崖嶺亘以卡倫我
聖祖仁皇帝因藩部敬獻牧場肇開

靈囿歲行秋獮

高宗純皇帝式遵

前典每以八月行圍上塞中外一家不忘肄武典至重也

康熙六十一年九月

諭議政大臣等曰從前曾有以朕每年出口行圍勞苦軍
士條奏者不知國家承平雖久豈可遂忘武備前噶爾

丹攻破喀爾喀并侵擾我內地札薩克至烏蘭布~~爾~~朕
親統大兵征討噶勒丹敗走後~~然~~侵犯克魯倫朕~~繼~~兵
三路並進至昭莫多勦滅之今策旺阿喇布坦無端侵
犯哈密地方朕徵發阿爾泰及巴爾庫勒兩路兵進勦
策旺阿喇布坦聞之心胆俱碎乃遣策零敦多布等潛
往西藏刼掠毀壞寺廟土伯特地方已被殘虐朕又遣
大兵直抵西藏擊敗策零敦多布等復取西藏救土伯

特於水火之中我兵立功絕域此皆因朕平時不忘武
備勤於訓練之所致也若聽信從前條奏之言囿於勞
苦不加訓練又何能遠至萬里之外而敗滅立功乎爾
等諸臣咸宜知之欽此

乾隆六年

上舉行秋獮之典將以七月啟行先是二月御史叢澗奏

祈暫緩行圍奉

上諭古者春蒐夏苗秋獮冬狩皆因田獵以講武事我朝
武備超越前代當

皇祖時屢次出師所向無敵皆因平日訓肄嫻熟是以有
勇知方人思敵愾若平時將狩獵之事廢而不講則滿
洲兵弁習於宴安騎射漸至生疎矣

皇祖每年出口行圍於軍伍最為有益而紀綱整飭政事
悉舉原與在京無異至巡行口外按歷蒙古諸藩加之
恩意因以寓懷遠之意所關甚鉅

皇考因兩次出兵現有徵發是以暫停圍獵若在撤兵之

後亦舉行矣況今日承平日久弓馬漸不如前人情狃於安逸亦不可不加振厲朕之降旨行園所以遵循

祖制整飭戎兵懷柔屬國非馳騁畋遊之謂至啓行時朕尚欲另降諭旨加恩賞賚令其從容行走亦不至苦累兵弁時加警省若使逸樂是娛則在禁中縱所欲為罔恤國事何所不可豈必行園遠出耶朕廣言路叢洞胸有所見即亦陳奏意亦可嘉但識見未廣將此曉諭知之欵此

三月奉

上諭直隸總督孫嘉淦曰國家武備不可廢弛朕於本年
秋月出口行圍原以訓練兵丁仿古獮狩之禮昔我

皇祖每歲舉行所經由道路及一切事宜俱有章程朕今
歲踵行悉遵舊制但恐歷年已久地方官或借端派累
隨從之人或恣意需索及強買物件不按時價者著總
督孫嘉淦不時查叅毋得容隱欽此

疆界

國語謂哨鹿曰木蘭圍場為哨鹿所故以得名地在
蒙古各部落中周一千三百餘里南北二百餘里
東西三百餘里 東北為翁牛特界 東及東北
為喀喇沁界 北為克什克騰界 西北為察哈
爾正藍鑲白二旗界 南為承德府界 圍場外
北為巴林 東為土默特 西為西四旗察哈爾
南則入圍場之路也圍場四面立界曰柳條邊自

波羅河屯入圍場有二道東道由崖口入即石片子也西道由濟爾哈朗圖入每年行圍俱出入崖口乾隆二十四年建

行宮於濟爾哈朗圖行圍時

車駕由崖口入則

廻鑾由濟爾哈朗圖出若由濟爾哈朗圖入則

廻鑾由崖口出

營卡

木蘭四面樹柵界別內外按八旗以一營房統五
卡倫方位則鑲黃北之東 正黃北之西 正白
東之南 正藍南之東 鑲藍南之西 正紅西
之北 鑲紅西之南 鑲白在正藍鑲藍之間各
有地界分司稽察

營房八旗各一 鑲黃旗在奇卜楚高 正白旗

在納林錫爾哈 鑲白旗在什巴爾台 正藍旗

在石片子 正黃旗在錫喇札巴 正紅旗在扣

肯陀羅海

鑲紅旂在蘓木溝

廂藍旂在海拉

蘓台

卡倫八旂各五

廂黃旂曰賽堪達巴罕色欽曰

阿魯色呼曰阿魯呼魯蘓台曰英格曰拜牲圖

正白旂曰巴倫昆得伊曰烏拉台曰錫喇諾海曰

納林錫爾哈曰格爾齊老

廂白旂曰噶海圖曰

卓索曰什巴爾台曰麻尼圖曰博多克

正藍旂

曰木壘喀喇沁曰古都古爾曰察罕札巴曰汗特
穆爾曰納喇薩圖札巴 正黃旗曰庫爾圖陀羅
海曰納喇薩圖和碩曰沙勒當曰錫喇札巴曰錫
拉拖巴色欽 正紅旗曰察罕布爾噶薩圖曰阿
爾薩朗鄂博曰瑪尼圖布拉克曰齊呼拉台曰布
哈渾爾 鑲紅旗曰海拉薩台曰姜家營曰西燕
子窩曰郭拜曰和羅博爾奇 鑲藍旗曰珠爾噶
岱曰薩克薩爾台曰卜克曰東燕子窩曰卓索渾

八旂官兵分守焉

園名

色呼園

在鑲黃旗阿魯色呼卡倫之西色呼河源出焉

呼魯蘓台園

在鑲

黃旗阿魯呼魯蘓台卡倫之西南

色爾圖園

在呼魯蘓台園場之西南

岳

樂園

在巴爾圖園場西南

珠爾園

在岳樂園場之西其南有鄂爾楚克哈達北則

珠爾河

巴顏木墩園

在珠爾園場之西其北有五虎爾齊達巴罕南有旺

源出焉

展達巴罕東則巴顏木墩河源出焉伊遜河源在其西所謂伊遜色欽者也會諸小水南流一百七

十餘里由伊遜哈

巴奇出園場界

默爾根烏里雅蘓台園

在鑲黃旗

拜牲圖卡倫之西默爾根

巴顏郭園

在默爾根烏里雅蘓

烏里雅蘓台河源出焉

台園場之西其西南
巴顏郭勒河源出焉

以上園場東北界

巴顏布爾噶蘓台園 在正白旗巴倫崑德伊卡倫之西北與默爾根烏里雅蘇

台園場接其西有單老哈爾巴齊達 溫都爾華

巴罕其南敦達烏拉台河源出焉

園 在巴顏布爾噶蘓台園場之東南為準烏拉台河源 鄂爾根郭勒園 在

額布噶蘓台園場之西其西南則巴隆烏拉台河

源出焉所謂烏拉台三河源也敦達烏拉台準台

烏拉台二河源西流經鄂爾根郭勒園場與巴隆

烏拉台河合為烏拉台東流六十里至正白旗烏

拉台卡倫 達顏德爾濟園 在鄂爾根園場之西

出園場界 其西北有達顏達巴

罕達顏河
源出焉

畢圖舍哩圖

在達顏德爾濟之西南
其南有納瑪達巴罕

德爾吉圖

在畢圖舍哩之西

多們圖

在畢圖舍哩之南其東北

即巴隆烏拉河

布扈圖

在正白旗烏拉卡倫之西

威遜格爾

園在布扈圖之西

阿濟格鳩園

在德爾吉之南阿濟格鳩河源出焉東北則伊

遜烏蘭哈達更名伊綿
峪事在乾隆二十三年

以上園場東界

錫喇諾海園

在正白旗錫喇諾海卡倫之西有錫喇諾海達巴罕

噶海園

園

在錫喇諾海西北其西噶海園河源出焉

巴顏喀喇園

在噶海園西南其北

有拜布哈達巴罕
拜布哈河源出焉
察罕札巴圖在巴顏喀
固

爾班錫納圖在察罕北
永安莽喀圖在巴顏喀
喇西南

國語沙謂之永安岡謂之莽
喀是地為入崖口第一圖場
頗賴圖在永安莽
喀西北其

南則烏蘭哈達西即
巴顏錫訥圖在頗賴
西南

爾根精奇尼圖在頗賴北其北則
固爾班固爾

班圖在默爾根精奇尼之西其東北
克依呼圖

在錫喇諾海之南其
喀喇楚古爾圖在正白旗

北則克依呼河源也
喀喇楚古爾圖在正白旗

卡倫西南其東納
愛里色欽圖在喀喇楚古爾
林西爾河源出焉
蘇之曾其南圖

布敦哈達布敦河源出焉西流經汗特穆爾
園場布敦河之布木壘喀喇沁河源出焉
庫

庫哈達園在正藍旗木壘喀喇沁卡倫西北其
東南則庫克哈達南則珠爾達巴罕

汗特穆爾園在正藍旗古都古爾卡倫之北其西
則汗特穆達巴罕南則雲特穆爾達

巴罕其東有

煙郭達巴罕

以上園場東界

塔里雅圖園在正藍旗汗特穆爾卡倫之北北接
永安莽喀園場南則伊遜哈巴齊柵

自此西折而南則石片卜克園在鑲藍旗卜克
子營房所謂產口者也卡倫之北其北

有卜克達巴罕

布都爾園適當中路在鑲白旗
博多克卡倫之北其

南有博里哈達東則色里呼河源
出焉其北則永安湃園場有碑一
都爾之北其東有察爾巴呼達巴罕達爾巴呼河
河源出焉南則伊瑪圖河河有二源一為永安湃
河一為齊老圖河河至是河流
西南由麻尼圖卡倫出園場界
僧機圖園在永安湃
之東其北有察罕達巴罕僧機圖河源出焉僧機
圖河源在其東其南稍西有古松同根異幹高百
尺千年前物遠望亭亭對立菁葱
英圖園在永安
第茂寔則一本分校名夷齊松
園場
之西

以上園場南界

們都河嚕園

在伊遜色
欽之南

圖們索和圖園

在們都
河嚕園

之東
南

哈達圍札布圍

在圖們索和圖之東
與德爾吉圍場接

錫

喇德卜色克圍

在安巴究達
巴罕之南

巴雅斯呼察罕圍

在巴顏圖庫水東北與
錫喇德布色克圍場接

庫爾圖察罕圍

在圖們
索和圖

之西

額呼蘓錫納圍

在圖們索
和圖之南

鄂爾吉庫哈達

圍

在英國之北其南
有鄂爾吉庫哈達

鄂倫索和圖圍

在鄂爾吉
庫哈達之

東

以上圍場中界

哈朗圭圍

在鑲紅旂和羅
博爾奇卡倫東

珠爾噶岱圍

在鑲紅
旂蘇木

溝營房之東珠爾
噶底河源出焉
孟奎色欽圍在拾朗圭圖之
達巴罕孟奎河源出焉哈拉
錦粉呼拉達巴罕在其東南
巴顏陀羅海圍在
藍旂燕子窩卡倫之北西南則哈瑪拉達巴罕巴
顏陀羅海河源出焉東南與卜克圍場接康熙四
十八年獲
大鹿異常

以上圍場西南界

蒐濟圍

在正紅旂麻尼圖
布拉克卡倫東

浩賚郭勒圍

在蒐濟
之東南

得勒格楞圭鄂博圍

在浩賚郭
勒之東北

明安阿巴圖

圍

在得勒格楞圭鄂博東南其
西明安阿巴圖河源出焉

喀喇瑪拉哈圍

在明安阿
巴圖之東
齊老圖色欽圍
北在得勒格楞圭之東

達巴罕齊老
巴顏圖庫木圍
北在喀喇瑪拉哈之

圖河源出焉
巴顏圖庫木圍
東北與額爾吉哈

達相
哈里雅爾圍
在巴顏庫
永安湃色欽圍

接
在哈里雅圖之北
其北有永安湃達巴罕永安湃

河源出焉
更東有安巴究達巴罕安巴究河源出

馬東與錫喇
德卜色克界

以上圍場西界

沙勒當圍
在正黃旗沙勒卡倫之東南
巴顏莽

喀圍
在正黃旗納喇蘇圖和碩卡倫之東
崆郭

南其西布哈淖爾南為塔本陀羅海

圖爾根衣札爾河在其北

圖爾根衣札爾河在其北

圖爾根衣札爾河在其北

圖爾根衣札爾河在其北

圖爾根衣札爾河在其北

羅鄂博圖

在正黃旗呼拉台卡倫之東

阿魯布拉克圖

在塔木陀

羅海之東其南則額墨勒達已罕東北則雅岱與永安湃色欽相接

鄂勒哲依圖

察罕圖

在雅岱東北其北鄂勒哲依圖察罕河源出焉

以上圍場西北界

札喀烏里雅蘇台圍

在廂黃旗賽堪達巴罕色欽卡倫之南東與色呼圍場接

都呼岱圖

在圍場正北更北為達爾罕賽堪摩敦摩敦河源出焉東流百餘里至英

格卡倫出圍場界稍西為都呼岱河源東南有諾

郭台河源摩敦河之上流也勒福窩集在其西林

木深茂其積水海子曰西拉諾爾在勒福窩集西

南都呼岱為圍場極北界其北則與安大嶺伏北

崇天廣袤不知紀極其中崇曰已隆桑阿穆爾
 蒙古奉為鄂博者也乾隆十四年上行國至都
 呼岱次日登興安大嶺圖爾根伊扎爾園在正
 錫勒北巴色欽卡倫之西南其北則圖爾根伊扎爾
 河源出焉西流百餘里至扣肯陀羅海營房出園
 場界東則穆呼勒伊扎爾河源出焉西流入圖爾
 根伊扎爾河更東南則托克隆和賚河源出焉西
 南流過塔本陀羅海南流一百五十餘
 里至廟紅旗海拉蘇台卡倫出園場界

以上園場北界

道里

園場途徑相距每数十里近者数里休羣力也

由伊遜哈巴奇入東北至塔里雅
塔里雅圖北至永安

莽喀永安莽喀東北至巴顏喀
巴顏喀喇至威遜

五里威遜格爾東北至溫都爾
溫都爾華西至鄂爾

十四里威遜格爾東北至溫都
溫都爾華西至鄂爾

里鄂爾根郭勒東北至巴顏布爾
巴顏布爾噶蘓

六里鄂爾根郭勒東北至巴顏布爾
巴顏布爾噶蘓

里郭西北至巴延巴延郭北至岳樂
西至珠爾珠

台郭西北至巴延巴延郭北至岳樂
西至珠爾珠

爾西至巴延木巴延木墩東南至德爾
德爾吉東

爾墩十一里巴延木墩吉三十四里
德爾吉東

連顏德爾連順德爾吉南至畢圖
畢圖西至

連顏德爾連順德爾吉南至畢圖
畢圖西至

舍哩五里

阿濟格趕

東南至多
們十里

多們。

西至顏
納二十

阿齊

二里

額增蕪錫內

西至鄂倫索
和圖十里

鄂倫索

和圖

東北至庫爾圖察罕

+
—

庫爾圖察罕

西北至錫喇德布色克十五里

錫喇德卜色克

星

北至鄂勒哲圖
察罕三十五里

鄂勒哲依圖察罕

西南至永安洋
巴欽二十五里

永安洲色欽

南至巴顏圖庫木二十里

巴顏圖庫木

東南至鄒
爾吉庫哈

達十鄂爾吉庫哈達里

拉噶 北至齊老圖色 齊老圖色 欽巴西北至明安

明安阿巴圖 西至得勒格楞 得勒格楞主鄂博至

奎色欽二 孟奎色欽 東南至巴延陀 巴顏陀羅海

南至十克 卜克 東至十克 柵

由巴顏郭 東至默爾根烏里 默爾根烏里雅蘓台

北至呼魯蘓 呼魯蘓台 西南至巴爾 巴爾圖 北至

八里 色呼 西至烏里雅蘓 烏里雅蘓台 西稍南至

餘 台二十四里 都呼岱八

由阿濟格起 北至哈達圖 哈達圖北 卜西至圖們 和圖六

西至們多
阿魯二里

北至默爾根精
奇尼十三里 默爾

西至僧機圖二

西行過察爾巴
呼嶺即永安洋

北至哈爾
圭二十里

北至菟濟
三十七里
菟濟至北

東至阿魯布拉克三十里
阿魯布拉克

北至巴顏莽

喀十三里

巴顏莽喀

東至沙勒當

沙勒當

東至圖爾

根伊扎爾

五十里

自圖爾根伊扎爾北行踰錫喇扎巴達

巴罕循園場北界紅柵東行至海拉罕達巴罕度

嶺東南行可達烏里雅蘇台園場

由汗特穆爾卡倫入

東至汗特穆爾園十八里

汗特穆爾

東至庫庫

哈達二

庫庫哈達

東至愛里色

愛里色

北楚喀

爾蘇十

喀喇楚古爾蘇

北至克勒

克勒

西至固爾班錫納十

二里 固爾班錫納西北察罕 察罕扎巴東至錫喇諾

錫喇諾海北至噶海 噶海圖北至布扈 自布扈

西行可達威遜格爾圍場

由麻尼圖卡倫入至布都爾 自布都爾北行可達

永安拜圍場

規制

舊志載凡圉場官制總管一員康熙四十五年設秩四品乾隆十八年改為三品左右翼長各一員乾隆十八年設秩四品章京八員康熙四十五年設秩六品乾隆十八年改五品驍騎校八員乾隆十八年設秩六品總管屬理藩院管轄翼長章京驍騎校由總管遴選本處官員送院請

旨補授

今按現行規制園場共官二十員三品總管一員
歲支俸銀一百三十兩米折銀
九十一兩補支養廉銀二百兩
歲支俸銀一百零五兩米折七
十三兩五錢補支養廉一百兩
歲支俸銀八十兩
米折銀五十六兩
六品驍騎校八員
歲支俸銀四十兩米折銀
四十一兩
七品恩職尉一員
歲支俸銀四十五兩米折銀
三十一兩五錢世襲
年由戶部共應領俸廉米折等項共銀二千九百
五十八兩五錢

舊志載凡園場駐防官兵八旗滿洲蒙古共兵八

百名康熙四十五年設一百一名雍正十二年增
設九十名乾隆十八年增六百九名由八旗都統
於八旗滿洲蒙古兵丁內挑取每兵一名給地一
頃二十畝又以都呼岱口後興安等處地冷霜早
難以耕種將鑲黃正黃正紅三旗兵丁每名改給
乳牛三頭每三十頭各給犍牛一羊三十隻
凡園場禁令卡倫以內蒙古民人毋得濶入其盜
牲畜者分別治罪該管官處分如係蒙古交扎薩
克嚴行約束

今按現行規制於原設兵二百八十名增至八百
名嗣經前任副都統保

奏請添設五十名又嘉慶十八年經前任署都統毓
奏請添設一百五十名共兵一千名

筆帖式副驍騎校領催三十五名
月支餉銀三兩馬甲八

百一十五名
月支餉銀二兩又馬甲一百五十名
月支餉銀一兩

五每年由戶部共應領餉銀二萬三千五百二千
錢

兩

以上園場每年共應領官兵俸餉等項共銀二萬六千四百七十八兩五錢隨同熱河都統所屬官兵應領俸餉一併帶領存貯本庫按春秋二季支放

舊設左翼四旗蒙古兵二百八十名均有老園地畝後添兵五百七十名均各有官房二間給養贍地一項二十畝嘉慶十八年新添兵一百五十名均各撥給養贍地一項官房二間

乾隆五十年七月經前任副都統恒

奏請圍場八旗滿洲蒙古兵八百名照熱河駐防之
例紅事賞銀四兩白事賞銀八兩其新駐防兵五
百二十名內無倚孤寡人等亦照熱河之例每月
每戶賞給養贍銀一兩五錢十八年新添食一兩
五錢餉銀兵一百五十名遇有紅白事件經戶部
覆准照養育兵例賞給前項銀兩每年由都統衙

門委員赴直隸藩庫領銀一千兩貯庫以備支放
如有不敷遵照部文由熱河道庫借領入於次年
領銀案內一併支領歸還原款

乾隆六十年七月經前任副都統那

奏請賞借銀五萬兩交熱河道發所屬各當商按一
分生息每年應得息銀六千兩內撥給圍場處銀
一千五百兩作為五十六處卡倫值班兵丁飯食
並查圍兵丁盤費之需

嘉慶七年經前任圍場副都統台

奏請因新添卡倫二處并閱碩大餉心紅憲書及左

右兩翼心紅紙張解送人犯官員會審盤費共應

用銀七百餘兩經戶部覆准在於熱河副都統庫積存

生息銀內撥給銀六千兩照前生息每年應得息

銀七百二十兩二共息銀二千二百二十兩每年

十一月由道庫支領其一切移款動存冊籍由該

總管造報轉送軍機處戶部核銷

嘉慶十七年三月經前任署都統毓

奏請賞借圍場兵丁一年錢糧分為十年二十季扣
還解交熱河道庫此項銀兩自是年扣起每季應
扣還銀一千四十一兩至十九年共扣過五季

嘉慶十八年前任署都統毓

奏請新添兵一百五十名并陳設兵五十名共兵二
百名各補蓋房二間借用道庫銀兩分為十年二
十季扣還解交熱河道庫於二十年春季扣起每

季應扣銀三百兩又

奏請添設卡倫二十二處每處草房三間共房六十
六間每間需銀十五兩共需銀九百九十兩經部
覆准由熱河道庫動用開銷

圍場八百兵內舊駐兵二百八十名俱係自備馬
匹當差其新設兵五百二十名二人合拴馬一匹
此項馬匹並無倒斃

造齊格騾馬二百六十四匹每年

皇上駐蹕熱河交上駟院馬十匹以備造作齊格進哨
時又添馬五匹隨行

圍場總管恭遇

皇上行圍應進麇羔九隻俟

車駕出哨時預備交熱河總管

圍場官員緝獲賊犯定例足二十名之數總管應
得紀錄一次足十五名之數翼長應得紀錄一次
足十五名之數章京驍騎校應得紀錄一次足三

十名之數都統應得紀錄一次

圍場週圍舊設卡倫五十八處新添卡倫二十二處共卡倫八十處哨內共七十圍外柵門五處

儀注

凡水蘭

行圍先期降

旨應行各事宜各衙門照例預備嚮導大臣率嚮導官

兵於

大駕所經之地飭所司儲備宗人府內閣部院司寺

奏請

欽點扈從王公大臣官員兩翼八旗

奏請

欽派前鋒護軍統領理藩院行文札薩克王公等先時

戒脩隨圍執事

駕行前一日遣官以秋獮虔告

奉先殿屆期

皇上御行衣乘馬出宮翊衛諸臣前引後扈百官永服

跪送

駕如

巡幸儀自乾隆六年以後間歲一舉十六以以後每歲

舉行至熱河

駐蹕避暑山莊中秋後

啟蹕行圍

行在兵部領

行圍禁令管圍大臣帶領隨圍官兵至圍場祇候先以

百餘騎小獵於平甸撒圍

國語曰阿達密入圍場後

御行營護軍統領率官兵先往度地廣狹立

御營扈從官兵等以次安帳行營前後嚴巡徼止夜行

前哨進後隊以次隨發由遠而近繞圍場兩翼前
各數騎擁纛飛馳曰跑烏圖哩將會於看城呼瑪
喇哈則圍合矣

皇上出看城

躬佩橐鞬具弓矢莅圍所各獸羣集

上引弓射後令

御前大臣侍衛隨射者曰訥哷布密如有逸出圍者許
官兵追射之命中者記諸冊圍中有熊虎諸猛獸
則管圍大臣遣侍衛馳報看城

上策騎親至其處虎鎗官兵掩殺或

御神鎗及弓矢立殪之園中麋鹿過多則開一面放之

未初罷之

駕還行宮陳牲數獲

頒賜扈從王公大臣官員圍竣出哨隨圍蒙古各歸部

落廻

蹕自熱河旋京師告秋獮禮成

安營

乾隆二十年定

駐蹕大營內方外圓度地縱二十丈橫十七丈四尺建

黃幔城外加網城結絕為之黃色貫之以網高六

尺濶八尺凡百六十有六距幔城東西南各十八

丈北十五丈設連帳百七十有五為內城啟旌門

三門建纛東鑲黃西正黃南正白各一周建內城

旗四十有一

黃緞紅綠斜幅銷金雪龍

宿衛帳九距網城十有

二丈為外城設連帳二百五十有四啟旌門四門

各建毒縣東鑲白西鑲紅南正藍洩日遼建之北正
紅周建外城旗六十東北鑲黃西北正黃東南正
白西南正紅各十有五宿衛帳四外城東旁設內
閣六部都察院提督等衙門宮帳或東面地狹則
設外城南距外城六十丈周設警驛帳四十各建
護軍旗一東北鑲白西北鑲紅東南正藍西南鑲
藍各十重門拱衛星廬環布黃幔城正中

御幄在烏幄高二丈徑三丈四尺上為穹蓋以攢竹竿
百六十分措之牆高五尺六寸門前後各高四尺
六十濶二尺三寸幄正中設

御座左右懸佩刀繫鞬烏鎗各一庭左右各設圓幄一
四方啟門後達帳殿

停驂頓營外設黃幔城門南向如大營內城之制凡
看城之制與頓營同

守衛

凡

駕幸木蘭嚮導大臣俱由

御前

乾清門隨往率嚮導官兵等掌除道清軌度地建營
之事前鋒護軍統領率領營總三員隨扈

御用輜重叅領二員護軍十五人司輜重叅領三員護

軍二十四人領三旗叢叅領一員護軍八人建幔
城叅領二員護軍八十人司蒙古卡倫叅領二員

護軍二十人卡倫叅領四員護軍一百人守宿衛
帳叅領十九員護軍百九十人司警蹕帳房叅領
八員護軍百四人護軍叅領二員護軍二十人司
市叅領二員護軍八人司刈草叅領一員護軍十
五人頓營慢城叅領二員護軍三十人三旗虎鎗
營總領各一員虎鎗長七人副長九人虎鎗兵百六
十人學習虎鎗四十人

蒙古王公扎薩克四十九旗王貝勒貝子公台吉

塔布囊分三班

御前行走

乾清門行走之王公台吉額駙分二班閑散行走之

額駙分三班喀爾喀四部及青海之王公台吉分

四班皆隨圖木蘭其未分班之厄魯特王公等聽

其詣木蘭請

安喀爾喀四部未出痘王公等以莫爾根十人隨圖由
定邊左副將軍酌派各蒙古於喀喇河屯恭迎

聖駕隨至熱河其都爾伯特部土爾扈特部各王公等
每年分班於熱河朝覲

天顏後亦令隨圖木蘭與舊扎薩克等

蒙古佈圖兵丁喀喇沁翁牛特共一千人教漢五
十人巴林克什克騰共一百人科爾沁一百人合
一千二百五十人凡園皆用之又喀喇沁隨園鎗
手十二人打鹿鎗手四十人哈瑪喇三十人喀喇

沁翁牛特土默特嚮導一百人長鎗手一百一十
人察哈爾厄魯特共派巴爾呼八十人總管二員
皆以供圍場之役

進宴

行園木蘭蒙古卓索圖昭烏達二盟長

喀喇沁土默特二部盟所曰卓

索圖盟翁牛特敖罕奈曼巴林克什克騰阿魯科爾沁喀爾喀扎魯特八部盟所曰昭烏達盟例

進

御宴凡公宴家宴數次

高宗純皇帝命合為一次以示體卹設蒙古六座白駱駝

十八鞍馬十八驛馬百六十二牛十八羊一百六

十二酒八十一罈食品二十七席布庫

國語相撲也二

十人什榜

蒙古九十八人騎生駒二十人生駒無定樂名

數呈技馬二百五十匹先期

行在理藩院奏

聞蒙古諸部王公職名請

派一人進爵屆期武備院恭設所進蒙古包帳房於
行營門外列駝馬牛羊於道左

駕至理藩院官引蒙古王公台吉等跪迎

駕升帳殿寶座理藩院官引帳殿內應坐之蒙古王公

等列左右坐餘分坐兩旁蒙古包

上進茶諸王公等興行一叩禮次

賜諸王公茶復叩飲畢坐

上進膳所司恭捧

御爵進爵者接爵恭進

御座前退復位跪一叩衆皆跪叩進爵者興復詣

御座前接爵退所司承

旨賜進爵者酒跪飲畢復叩首興復原坐處次

賜蒙古王公台吉等食侍衛等分

人所云詠馬實咱馬之誤蒙古語謂掌食之人為
咱瑪蓋呈馬戲之後則治筵以賜食耳所云只孫
乃馬之毛色即今蒙古語所謂積蘓者也是以屬
魯茲扎薩克於進宴時擇名馬數百列二十里外
結束鬣尾去羈轡馳用幼童皆取其輕捷致遠以
鎗聲為節遞施傳響則衆騎齊騁焉賊山谷騰躍
爭先不踰晷刻而達掄其先至者三十六人優賚
有差所以柔遠人講武事也

什榜

什榜蒙古樂名用以侑食今俗所謂十番或因此
楊萬里詩有全番長笛橫腰鼓一曲春風出塞聲
之句蓋樂曲名番本塞外語而傳訛耳其器則笛
管箏琶絃阮火不思之類將進酒輒於筵前鞠脆
奏之鼓喉而歌蘇羅赴節有太古之遺焉

相撲

相撲之戲蒙古所最重筵宴時必陳之國朝亦以

是練習健士謂之布庫蒙古語謂之布克脫帽知
構兩兩相角以搏猝仆地決勝負者勞以卮酒卮
魯特則袒裼而撲雖蹶不釋必控首屈肩至地乃
為勝彼嘉其壯賜之羊臠則拱臂探掬顧盼呿吞
聲若飲獸其舊俗如此因以示惠云

教駢

教駢攻駒周禮雖載然後世僅如攻駒而不能教
駢蒙古則熟習其法謂之騎額勒敏達驛馬三歲
以上謂之達驛額勒敏則未施鞍勒者也每歲扎薩

克於所部驅生馬多羣至宴所散以原野諸王公
子弟雄傑者執長竿馳繫之加以羈鞬始則怒騁
駭超或蹄突人立嘶齧雷殷馭者騰趨而上控制
自如須臾調良率得名馬

凡宴賚隨圍蒙古王公等在圍場隨時宴賚無定
制惟

上行圍畢出哨後第一程
東道於張三營西
道於阿穆呼朗圖

賜蒙古王公以下及兵丁等食以次

頒賞其

賞賚之典乾隆十二年議定蒙古親王郡王賞王用蟒
緞一疋大緞二疋彭緞二疋貝勒貝子公賞官用
蟒緞一疋大緞一疋官用緞二疋額駙賞官用蟒
緞一疋官用緞二疋扎薩克台吉塔布囊等賞官
用蟒緞一疋官用緞一疋兵丁等各賞白金布疋
頒賞既徧遣歸諸部落

藩衛

蒙古全部編名典屬皆

國家藩衛也在平泉州即八溝境者為喀喇沁右翼在

赤峯縣即烏蘭哈達境者為翁牛特左右翼其北燕及

巴林在建昌縣即塔子溝境者為喀喇沁左翼及敖漢

在朝陽縣即三座塔境者為土默特左右翼奈曼其東

北燕及喀爾喀諸藩部依通塞垣宣勤奉職百餘

年來濡沐

皇化板屋農田畧同內地其豐寧縣境之察哈爾四旗

不建渠長籍同編戶則附見兵防門不更列云

喀喇沁

在平泉州八溝建昌縣塔子溝境內明初以元後烏梁

海置外衛自全寧歷喜峯近宣府朵顏衛地大寧

衛北永樂初以大寧地賜三衛部長遂內徙北逐

為朵顏衛所據後併於察哈爾以其地于塔布囊

是喀喇沁

國朝天聰二年塔布囊蘇布地偕色楞等舉部歸誠

編為左右翼二旗康熙四十四年又增設扎薩克

一旗凡三旗右翼旗八溝西北境東至王默特右翼

及敖漢界西至熱河及圍場界南至平泉州及左

翼旗界北至翁牛特右翼界增設之扎薩克一旗

即在右翼之中左翼旗在建昌縣塔子溝南境東至

錦州府邊門界西至平泉州界南至永平府邊牆

界北至右翼旗界其封爵則有多羅郡王多羅貝

勒鎮國公輔國公頭等塔布囊公品級諸名號

多羅郡王

古魯思奇布 蘇地布之子崇德元年始封為貝

子賜號多羅杜楞世襲掌扎薩克事順治七年晉

封為多羅貝勒康熙七年晉封其子班達爾沙為

多羅郡王 班達爾沙 扎什 噶爾藏

色楞 伊達木布扎 拉特納錫第

多羅貝勒

色楞 順治五年始封為鎮國公世襲掌左翼扎
薩克事子奇塔特孫五特巴喇襲康熙五十五年
晉封伍特巴喇之弟善穆巴喇什為固山貝子至
雍正九年晉封善穆巴喇什之子僧衮扎布為多
羅貝勒又乾隆七年僧衮扎布之子扎拉豐阿封
為輔國公二十年晉封郡王以罪削二十四年復
封固山貝子四十四年晉封貝勒

鎮國公

呼圖靈阿 僧公扎布之子乾隆七年封為固山

貝子十四年降鎮國公四十四年呼圖靈阿之子
濟克濟特扎布襲鎮國公

敏珠爾拉布坦 乾隆八年封右翼旗之敏珠爾

拉布坦為輔國公二十四年晉封固山貝子二十
五年子丹志達爾扎降襲鎮國公

輔國公

羅布藏車布登 雍正九年封右翼旗之羅布藏

車布登為輔國公雍正九年以扎薩克旗之頭等
塔布囊達穆巴陣亡追封輔國公世襲

公品級

格勒爾 康熙四十四年以格勒爾部所繁盛增
至三十八佐領別置一旗封為頭等塔布囊掌本

旗扎薩克事五十九年格勒爾所養伊第之子喀
寧阿襲乾隆十九年賞給喀寧之子齊克公品級

又雍正十年封額爾德尼為輔國公後無襲

翁牛特

在赤峯縣烏蘭境明初為烏梁海地後自稱翁牛

特我

朝天聰七年其濟農索音偕貝勒東等舉部歸誠編
為左右二翼旗右翼東至敖漢及左翼旗界西至
圍場界南至喀喇沁右翼界北至左翼旗及克什
克騰界左翼東至阿魯科爾沁及奈曼界西至右
翼旗及克什克騰界南至敖漢界北至巴林界其

封爵則有多羅郡王多羅貝勒固山貝子鎮國公
諸號

多羅郡王

索音 崇德元年始封為多羅杜楞郡王世襲掌
右扎薩克事雍正五年索音之四世孫倉津以罪

削爵以其叔鄂齊爾襲 博多和 畢禮衮達賴

倉津 鄂齊爾 羅布藏 齊旺 布達札布

旺舒克

東 崇德元年始封達爾漢岱青貝子掌左翼扎

薩克事康熙元年晉封貝子叟色為貝勒

額林沁 額爾德布鄂齊爾 朋素克

諾爾布扎本素

固山貝子

額爾德尼 雍正十一年封為右翼固山貝子

巴爾丹 土門巴彥

鎮國公

噶爾瑪

國初率屬來歸且立軍功封為鎮國公入右翼旗世

襲

查漢岱

奇塔特

齊旺多爾濟

索諾木

貢格喇布坦

土默特

在朝陽縣

三座塔

境明初以元後烏梁海置外衛自

義州歷廣寧至遼河曰泰寧衛即以其部長掌衛

事其地本在營州衛北永樂初後衛於內地此為
泰寧所據嘉靖以後小王子之裔居此者號曰土

蠻是為土默特

國朝天聰三年台吉俄木卜偕塔布囊善穆巴等舉
部歸誠後編為左右翼二旗右翼旗東至錦州府
邊門及左翼旗界西至喀喇沁右翼界南至喀喇
沁左翼界北至敖漢及奈曼界左翼旗東至養息
牧牧廠界西至右翼旗界南至義州邊門界北至
喀爾喀左翼界其封爵則有多羅貝勒固山貝子

諸號其喀爾喀多羅貝勒附馬

多羅貝勒

善巴 崇德元年始封為鎮國公賜號多羅達爾

罕世襲掌左翼扎薩克事康熙元年晉封其子卓

里克圖為多羅貝勒 兆圖 額爾德木圖

瑪尼 阿拉布坦 索諾木巴爾珠爾

固山貝子

古穆 順治五年封為鎮國公世襲掌左翼扎薩
克事康熙元年晉封為固山貝子 衮齊斯扎布

拉斯察布

班第

哈穆唱巴雅斯呼郎圖

吹扎布

色布騰洞魯布

喀爾喀多羅貝勒

附土默特

巴爾布冰圖

康熙四年喀爾喀台吉巴爾布冰

圖因喀爾喀內亂率屬來歸附入土默特封為多

羅貝勒世襲

索諾木

羅布達穆巴

班達林沁

衮布多爾濟

敖漢

在建昌縣塔子溝北境明代為喀爾喀所據後分與

弟號曰敖漢素屬於察哈爾

國朝天聰元年其貝勒塞臣卓里克圖舉部歸誠編
為一旗其地東至奈曼界西至喀喇沁右翼界南
至土默特界北至翁牛特界其封爵則有多羅郡
王固山貝子輔國公諸號

多羅郡王

班第 崇德元年始封塞臣卓里克圖之子班第

為多羅郡王世襲掌本旗扎薩克事又有索諾木
杜稜因察哈爾之亂率屬來歸且立軍功順治五
年始封其子察其克為多羅郡王

墨爾根巴圖魯 扎木素 岳木丕爾

垂濟拉什 巴特瑪拉什 巴爾丹

密齊克 布達 薩木丕爾 阿敏達賴

額森孟克 達什達爾扎 瓦爾達 鄂爾追圖

鄂齊爾 那木達克 烏爾袞 里木布

桑達里 林沁 巴圖

固山貝子

滿珠習禮 順治五年始封為固山貝子世襲

烏爾占 那木達克 巴特瑪 諾們額爾合圖

達色 三丕爾多爾濟

塞楞 封貝子年代無考 鄂恩崇 額爾德尼

扎什那木塔爾 車林敦多克 多爾濟喇布坦

喀爾喀左翼

在朝陽縣塔三座東北境明時為喀爾喀貝勒古木

布伊勒登所居素屬西路扎薩克圖汗後與扎薩

克圖汗有隙

國朝康熙三年舉部歸誠編為一旗稱喀爾喀左翼
其地東至科爾沁界西至奈曼界南至土默特界
北至扎魯特界其封爵則有多羅貝勒

多羅貝勒

古木布伊勒登 康熙二年封多羅貝勒世襲

羅布藏 噶爾藏 阿玉爾